

Ex Libris



PROFESSOR J. S. WILL

P3 60 13



Library of the University of Toronto nº 3671 de non lataloque



4-telong. nº 19790 HU 3671 demon (etalogge)

LHISTOIRE

DE LA CONQVESTE

DES PAYS DE BRESSÉ ET

DE SAVOYE, PAR LE ROY

Tres-Chrestien.

A Monseigneur de Rosny.

Par le S^r. DE LA Po-PELLINIERE.



A PARIS,

Par CLAVDE DE MONSTROEIL. & IEAN RICHER.

1.6 0 I.

Aues Prinilege du Roy.

a newspirit of the sales of the sales TREESTAL DIESTE DE 8- 71 200 110 3 T TO N & A -11 . . MANAGER OF SEVERE AT THE PARTY AND



A TRES-ILLVSTRE ET VALEVREVX, MAXIMILIAN DE BETHVNE, BARON de Rosny, Conseiller du Roy en ses Conseils Priué & d'Estat, Capitaine de cinquante hommes d'armes de ses ordonnances, Grand Maistre de l'Artillerie, Grand Voyer, & Sur-intendant aux Finances & fortifications du Royaume.

JONSEIGNEVR,

Recognoissant l'obligation que vous auez sur moy, telle que mon deuoir ne me peut pousser, qu'à vne deuë recognoissance d'icelle: J'ay pensé, que

à 1

EPISTRE.

pour vous asseurer, que i ay veu, leu es entendu, plus que practiqué les effects. de l'ingratitude: ie vous deuois offrir le Difcours, des plus notables accidens, que i'auois remarqué au cours de la guerre de Sauoye. Vostre affection à l'histoire, le plus louable exercice des Grands, m'a esté l'autre motif, à le vous presenter. Et aussi, que vous pourrez porter d'autant plus fidelle tesmoignage à la verité: qu'auecl'honneur of reputation, vous aueZ acquis l'amitié de tous, ez diuerses charges que vous y auez heureusement executé. Merite, que ie ne puis, que ie ne dois, & ne veux taire, ny des guiser. Car on sçait, que le but de l'histoire est de prositer, non de plaire seulement. Ce qu'on ne peut mieux faire, qu'au recit des beaux effects de la vertu. Et n'y a gueres moins de faute à les celer, qu'à leur donner autre couleur que la naturelle. Si que l'historien, doit fuyr la flatterie, autant que se plaire, de mettre la vertu en son iour. Et

EPISTRE.

ores qu'aucuns en voulussent calomnier le reçit: ne s'en estonnera toutesfois, non plus que le Medecin aux plaintes & iniures mesmes du patient. Ains continuant à bien faire, parera contre telles & autres indiscretions, d'une integrité de vie Errondeur de conscience en tous les narrez dicelle. Fe vous offre doncques partie de la suite de l'histoire Françoise. Laquelle, verrala lumicre quand il vous plaira, & à sa Maiesté (qui me la commandé,) faire tirer les rideaux de l'ignorance, sur les doux coëssins de laquelle, on la insques icy, laissé trop paresseusement dormir.

> Vostre tres-humble & tresaffectionné seruiteur, POPELLINIERE.

- I want out an all the - -- Comilette



AV LECTEVR.

Ov Thomme, pour si peu in-

struit & aduisé qu'il soit : dressera ses actions, tant au bien deson particulier, que du public.Occasion, qu'outre l'obligation particuliere, qui me chargeoit de recognoistre quelques faueurs: la consideration du plaisir & profit, que i'ay sçeu pouuoir apporter à nos François, par le Discours d'vn si nouueau & tant notable subject: m'a esté le second motif, à l'exposer en veuë d'vn chacun. M'asseurant, que rien ne sçauroit estre plus fauorablement reçeu, que ce qui, pour sa nouueauté & diuersité peut plaire. Et tant pour la qualité que consequence de si notables actions, peut profiter à toutes sortes de personnes. Non que ie me vueille estendre à surhausser le merite de l'Histoire. Ce seroit esclairer au Soleil en plain midy. Ie dis seulement, que comme il n'y a vacation, à

AV LECTEVR.

recommader laquelle, tant de personnes voire des plussegnalez se soiet emploiez: aussi ne paroist entre les choses humaines, action aucune, de laquelle tout home puisse tirer plus de prossit & contentement que d'vn beau Discours historial. Et bien, que se soit chose plus aisée à conceuoir & mesme à desirer, qu'à l'effectuër & enrichir de toutes ses graces: les plus genereux toutesfois, raportans si hautes & penibles conceptions, à la foiblesse de la nature humaine : n'en rejetteront les essais, pour essoignez qu'ils les voyent de leur perfection. Lors mesmement, que yapportant chacun, ce qu'il peut: on tafche d'en approcher au plus pres, pour le plaisir & proffit notamment de ceux, qui en jugent: plus que de ceux; lesquels on y voit trauailler à perte d'haleine. Et en terresi ingrate, que s'ils n'estoient pourueuz d'yn plus temperé naturel que le vulgaire, ilsaimeroiet beaucoup mieux, se recommander, par le merite d'vn autre labeur. Ou demeurer oysifs pour le publicq : que de tant pener en si maigre trauail. Mais comme le Genereux, ne mit iamais le le profit pour but de ses actions: qu'il laisse à l'intéperie des plus grosses humeurs: ains

AV LECTEVRI

ainsi les belles ames, nées au contentemét de leurs semblables, prendront plaisir en tous exercices qui pourront profiter aux gens d'honneur: tel notamment que celuy des histoires. De toutes lesquelles la plus profitable voire plus necessaire, bien L'histoire de que moins gracieuse, voire ingrate & mal present. aisée, est celle du present. Par ce que come la veuë nousaffecte plus que l'ouye: aussi nos passions, s'arrestent plus à ce que nous voyons & sentons de corps, qu'à ce que nous entendons d'ailleurs & qui ne se comprend que par esprit. C'est pourquoy, les exemples des vices & vertus, de ceux auec lesquels nous conuersons presens ou absens qu'ils soient, nous meuuent estrangement:selon les differensrespects que nous leur portons, & que nous sommes diversement interessez aux parolles & actios y representées. Mais principallement, pour la haine ou amitié, que nous deuons naturellement au bien & au mal: à l'honneur & deshonneur : au vice en somme & à la vertu. Les differes effects desquelles, nous passionnent & violentent d'autant plus, qu'outre nostre particulier, nous y voyons le repos & aduantage de l'Estat, en danger d'y estre blecé.

AV LECTEVR.

Mais sur tous les affectionnez à l'histoire, ceux lesquels y recognoissent leur beaux ou laids propos, leurs louables ou villainesactions: y font si fort passionnez:qu'il n'y a si rude bride, ne si piquant eguillon, qui puisse si court arrester, ne si viuement eschauffer nos passions, que le plaisir ou l'ennuy que nous prenos, au recit publicq de ce que nous ou les nostres y auos bien ou mal fait. Et qui est le Seigneur, l'officier ny autre, s'il n'est du tout desesperé, ennemy iuré de la societé humaine, & tant de corps que d'ame, voué aux infinies miseres eternelles: qui lisant le vilain blasme de sa trahison, ou de l'vn des siens vers son Prince, ou repos de l'Estat, ne gemisse encores d'auantage, que nefit ce cruël Neron au narré de ses meschancetez? Et ce tant pour l'ennuy de son particulier, que pour le respect de ses enfans, de sa famille & raçe entiere, qu'il voit priuée de tout honneur, de tous biens & aduantages de ce monde, au seul souvenir de si detestables actions? Et au rebours, qui ne volera d'aise & de contentement incroyable, lisant ou bien entendant, le recit de ses beaux effects? ou de quelqu'vn des siens, qui s'est voué pour le service du public?

AV LECTEVR.

Qui s'est fait segnaler par si louables portemens, pour le bien des siens & de la republique? qui ne desirera en faire autant, voire d'auantage, pour surmonter de merite d'amitié, & de reputation tous ses de-uanciers? Bref l'excellence de si belle histoire: & par consequent ce rare deuoir d'historien, tant loue, assez cogneu, & si mal praticqué, auiourd'huy mesment, fut occasion au mieux aduisez des ancies, de dire, que comme la meilleure police des plus beaux Estats qui furent oncques, vint de la bonne nourriture & droicte in- Instruction struction de la ieunesse, aussi ne pouvoit dela ieunesse. elle à leur aduis, estre mieux enseignée que par l'histoire. En ce que portant les raifons des plus grands Philofophes, auec les maximes des plus aduisez politiques, elle propose comme vn clair mirouer, outre ces autrement vains discours de Police & Philosophie, les beaux exemples tant du vice & de la vertu, que du naturel & suffisance de tous humains. Miroiier de telle efficace, que le retour ou reuerbera. tion de si beaux exemples, eschause & violente d'autat mieux nos esprits, qu'outre l'affection qu'on porte d'ordinaire à l'action plus qu'à la parolle : on la croit

mieux, on si asseure plus. Et par ainsi nos sens s'accoustument à les suiure & imiter: puis à les courner peu à peu en habitude, & en fin conuertir en naturel, pour les effectuer à l'aduatage de nostre particulier & du public quand il est besoing. Ie n'enteds de ces histoires esrenées, austi froides & muertes que corps sans ame. Quine se peuuent que laschement trainer, voire estouffer le merite des beaux effects de ceux desquels elles venter discourir. Ains de celles, qui les peuuent faire voler au Temple de l'eternité des plus heureux esprits. L'yne desquelles, mesine ce grand Alexandre le Alexandre, (le plus digne patron que toute l'antiquité ay e proposé pour exemple de vraye grandeur) choisit pour les occasions susdites, entre infinies de son temps. Desquelles la plus part se recommandoient autant & aucunes plus, qu'elles ne l'honoroient par le trop simple recit de ses valeurs. Car persuadé par les plus iudicieux de ses Conseillers, que la beauté de ses actions, ne pouuoit estre dignemet representée, que par la plume qui seust de merite egal à sa vertu: ordonna par Edit public & general, que toutes prinssent autre subject que ses actions: affin, que

Grand deffend à tout historien de narrer ses a-Etions fors à vn seul Et) pourquoy.

celle seulle, feust tenuë pour exquise & recherchee trompette de ses inimitables vertus. C'est qu'il ingeoit, que faute d'inuention & de beaux termes à les bien exprimer: ils sembloiet les amoindrir plus que dignemet representer. Du moins, ne fournissant à l'attente de ceux, qui n'en auoient rien conceu que grand, voire extraordinaire: se retiroient de si froide le-Eture, auec beaucoup moindre opinion d'icelles qu'ils n'y estoiet entrez. Conformement au commun dire, non seulemet qu'il vaut mieux se taire que mal parler: ains aussi, que n'en parler assez dignemer. Comme font ceux, qui iazent sous le merite de ce, à quoy ils prejudiciet plus qu'ils ne sçauroient profiter. Ces graues ancies, consideroient bien, quel'histoire estoit le vray mirouer de tous les hommes de ce monde, voire du monde mesme. Qui ne se dresse des actions, plus que des desseins, Histoire est des propos & deuis des humains: comme dressee tant il n'y a chose qui puisse mieux exprimer des actions que des deuis le naturel de l'home, que sa parolle mes- de propos me. Ce qui me les a fait messer par sois en des humai ceDiscours. Affin que le raport des paroles aux actions, vous fist mieux entendre les causes, progrez & diuers euenemens

des humains.

desplus notables actions y mentionnées, L'autre occasion qui m'a poussé à l'editio de cét ouurage, est la consideration que le bien &honeur de la France, me sembloit interessé, au retardement de la cognoissance des choses notables qui se sont passees en ce temps. Desquels aucun de tant beaux esprits, n'a encor fait voir ses conceptios insquesicy. Car comme les vrais liens d'un estat bien policé, & propre ciment, duquel est asseuré le bastiment d'iceluy, sont la recognoissance & punition du vice & de la vertu: aussi doiuent elles estre proposées, comme dignes aduertissemens & asseurez exemples à tous les subjets d'iceluy. Ce qu'on ne peut mieux ne si bien faire, que par le sidelle narré d'vne graue histoire. En laquelle on les puisse voir hault esseuez, pour retarder les vns du mal, inciter les autres au bien, & les encourager tous à leur deuoir. Come ils feront, s'ils les treuuent dignement representez, au beau miroüer de tant de vertus que tous attendet: & bien que plusieurs y trauaillent, aucuns mesmes si facent renomer, vn seul toutes fois ne fournist à l'esperace des plus iudicieux. Ce qui m'a souvent solicité, & en sin persuadé, d'y

AV LECTEVR.

saire mon deuoir: communicant à tous, ce que i'en auois descouuert. Affin qu'y profitant à ceux de ma nation, ié peusse de mesme main, faire chose agréable aux estrangers: l'exposant en veue à tous, come matiere de merite. Et à ceux mesmement qui en escriroient quelque chose, comme ie sçay que nombre d'eux y trauaillent: Crainte qu'aux despens & preiudice des François, ils donnassent à leurs histoires, autre subjet que veritable, sur les choses qui se sont demenées par les subjets de la fleur Lys. De fait, aucuns Allemans & Italiens, qui de passion, qui d'ignorance, qui de trop indiscrete curiosité, en ont jà trop barbouillé en Latin & Italien: au desauarage de ceux qu'ils y deuoient plus honorer, & à la louange des plus à blasmer. Si le bien & le mal estoiet aussi tost recognus qu'effectuez: il y auroit, non seulement plus de gens d'honneur & moins de vicieux: Mais aussi plus de dignes trompettes, pour entonner les belles actios de ceux, qui se font les mieux segnalez entre les humains. Et par consequent, peu ou du tout point de plumes gelées, qui faute de meilleures sont receuës, creües & trop suivies par levulgaire

AV LECTEVR.

éceruelé. Qui se plaist, s'est tousiours pleu, & se plaira pour iamais à ce qui luy est inutile & dômageable, plustost qu'à ce qu'on luy pourroit proposer pour aduatageux. Mais puis, qu'il ne fut iamais autrement qu'vn particulier, ne donna iamais loy à tant de testes si bigerres: & qu'au cercle ancien de ceste varieté infinie si l'on ne doit desesperer du bien, ains seulement attendre vn fort diuers changement de desirs & accidens humains, laissans couler le mal, les autheurs & nourriciers d'iceluy: & nous arrestas, sinon au vray bien du moins à l'aparence d'iceluy, mesnageons au mieux de nostre pouuoir, la patience, que nous deuons apporter en tout ce qui nous doit suruenir.



HISTOIRE

DE LA GVERRE DE

S A V O Y E.

Ovs les peuples Chrestiens, auoient les yeux tendus, sur les longues & diuerles miseres de ce Royaume, que le different de Religion & les fecrets mouvements de la Ligue y auoient apporté; quand ils sçeurent, que la paix long temps disputée, souuent rompuë, par fois desesperée, & puis réprinse, auoit en fin esté concluë à Veruins entre les Roys Tres-Chrestien & Catholique. Laquelle ne les passionna moins diuersement, qu'ils s'estoiet

A

variablement affectionnez, aux renouuellemens de tant de guerres passées. Plusieurs s'en resiouïrent, pour la pitié qu'ils prenoient aux malheurs de la France. Aucuns, d'affection plus ou moins occasionnée, sirent assez connoistre, ce qu'ils en desiroient aduenir: Les autres, qui desesperans vn tel bien aux François, veu la grandeur de leurs outrages & vengeances reciproques, s'estoient persuadé, qu'ellenes effectueroit ou seroit de petite durce; n'en furent'si ioyeux qu'ils le monstroient en apparence. Tous neantmoins, enuoyerent Ambassadeurs vers sa Maiesté, pour luy tesmoigner, combien ils se resiouissoient d'vn si heureux succez: auec tous offres de leur bon deuoir.

re, continuant son bon desir vers

ceste Couronne qu'elle auoit assisté à son grad besoin. Le Roy d'Escosse, qui s'y estoit employé à son pouuoir. Les Princes Germains,& les Estats du Pays-bas, qui l'auoient secouru de quelques troupes:comme les Suisses alliez, auoient faict par le surcçoist de nouvelles leuces; l'asseurerent qu'ils luy souhaitoient ou la fin, ou du moins quelque relasche; plus que la suitte de si estrá-

ges afflictions.

Et bien, que la plus part se feussent persuadé, qu'vn seul Roy d'Espagne, romproit l'espoir si general de presque tous les autres peuples: Philippes neantmoins, preuoyant l'incertain de l'aduenir: & sans se flatter, fur l'apparance de quelques aduantages, que les Liguez luy auoient moyenné dedans ce royaume: l'embrassa contre le desir. de plusieurs, & l'aduis mesmes d'au-

cuns, qui eussent plustost souhaitté de voir la chaleur du François, hurter la puissance de l'Espagnol. Tellemet, qu'ores qu'il se fust preparé, par diuers allechements iettez entre les François, les moyens pour s'aproprier de ceste Monarchie; se lascha neantmoins, voyant ses desseins reculer plus qu'aduançer ses pretentions: Confeillé d'ailleurs de preuoir le mal de son Estat, qui pouuoit estre agité dedans & dehors, si ceste paix se faisoit contre ses desirs: la conclud, puis effectua parla reddition de tout ce que ses partisans, luy auoient faict tomber en sa puissance.

Le Pape Clement viij. ne luy fut vn des moindres efguillons à s'y refoudre. Car bien qu'autresfois sollicité par l'Espagnol, non moins que par les exemples d'aucuns Papes ses deuanciers, de balançer au party

Ligué: se resolut en fin à vn bien comun, plus qu'au respect du particulier d'aucun de ces Princes, Ioint qu'il sentoit, que nombre de Republiques & Potentats d'Italie, fauorisoient le Roy tres-Chrestien: qui d'aduis, qui d'argent, qui d'authorité, qui par prieres bien secrettes enuers Dieu. Tellement qu'il fit assez tost estat, de ne se porter en si animeux differes, qu'en amy comun & arbitre equitable pour accorder & finir en fin, si longues guerres, qu'il iugeoit debatuës auec plus humaines que deuocieuses passions. De faict, son respect la fit d'autant plus aggréer aux autres Princes, qu'ils la sceurent auoir esté proposée, renouée & animeusement poursuiuie, tant par ses Nonces, qu'autres personnes qu'il auoit enuoyé en France, Espagne & autres endroicts, pour vn bien qu'il

A iij

mesment aux communes foiblesses, qu'il appelloit vices & Imperfections, de plusieurs Princes de son temps. Voire qu'anticipant, mais par petits & foibles effects, les aduantages qu'il se proposoit de ses alliances, eschelloit ses grandeurs; furles degrez deses amis plus que sur ses propres moyens: Souffroit mesme, qu'on formast le dessein de sa fortune, sur l'apparence de ses pretensions ez Espagnes & dependances d'icelles; veus les trop longs delais, qu'il prenoit pour ressus, de luy donner le Duché de Milan, & d'effectuer les autres conditions de fon mariage auec la puisnée d'Espagne, lequel il iugeoit deuoir estre fauorise, d'une pareille ou du moins approchante affection, à celle qu'on auoit tesmoigné vers l'Infante sa belle-sœur ainée, & l'Archiduc son mary. Voire que, comme si les desirs, ny les desseins, ny mesmes les essects d'ambitió, ne se peussent aisémét borner, par la soiblesse de ceste nature humaine: essendant le vol de ses souhaits, iusques au plus haut point d'hôneur, auquel peuuent alpirer les Chresties: se fantasioit l'essection de son Altesse, à la Cours ne des Romains: pour assez tost s'ouurir le chemin asseuré, à l'Empire de Germanie; auquel il esperoit iouir, d'une surintendance en la Chrestienté.

Pour donner pied à l'effect de si hautes pensées: il auoit commencé de ioindre à ses Estats de Piedmot, le Marquisat de Saluces, auec les païs voisins, par la surprinse de Carmagnole, & la batterie de Rauel. Et à celluy de Sauoy e, le Comté de Genéue de long temps enuié, variablement debatu, & en sin demy commandé par l'erection du sort

faincte Catherine, auancé à deux lieues de la capitale du pays Geneuois: Faisant estat, que peu à peu la Prouence, Dauphiné, Lyonnois, & autres terres luy seroient propres à s'incorporer, non la Bresse seulement, pour la rendre d'enclauée en France, l'yn des continens de sa domination: Mais aussi de faire assez tost luïre sur sa teste, la Couronne de l'ancien Royaume d'Arles & de Bourgongne. Embrassant depuis le Rhin à l'Orient, la Lorraine, & Champagne au Nort, & Loire à l'Occident, tout ce qui s'estend au Midy iulques à la mer mediterranée. Tous ces desseins neatmoins, & les essais mesmes, pour les reuestir de quelques notables effects, entretenus par la pacience des Frãçois, trop empelchez ailleurs: furét tellement trauersez par le Roy, dez qu'il se vit deliuré des miserables troubles de la Ligue: que le discours n'en peut estre qu'agreable à tous beaux esprits. Et non moins honorable au plus heureux, que mal plaisant à ceux, sur lesquels l'orage des tempestes y suruenuës en peut & pourra tomber à l'aduenir.

Mais, pour ce que sçauoir quelque chose, est la connoistre par sa cause. Laquelle est à l'Historien, le motif & vraye source des accidés qu'il traite. Deuant qu'entamer le narré de choses si remarquables; me semble expediét, de le reprédre dez sa premiere origine. Laquelle vous representera apres la perspectiue de Sauoye, du Piedmond & pays voisins; les droicts que les Roys de France & les deuanciers de ce Duc, y ont de long téps pretendus. Les chagemens de seigneuries, les bonnes & mauuaises occurrences y suruenuës. Et en fin, come,

quand, & de qui les Princes qui les commandent, en ont pris & maintenu iusques icy la domination. Ainsi vous en sera l'Histoire pour-ueue de toutes ses parties, non seu-lemét plus agreable; ains aussi d'autant plus prossitable que la droicte consideration du passé, iudicieusement rapportée aux coditions presentes: nous fait bien iuger des choses qui s'offrét. Puis preuoir & plus discrettemét pouruoir à celles qui nous peuvent aduenir.

Ie ne parleray des droicts des Côtes de Prouence (qui fut depuis incorporée à la Couronne des Fran-

Voyez la pre-çois) sur le pays de Piedmont: notămiere Samoyenne, l'e- met apres qu'il fut vny à son ancien
loquence es dostrine de corps l'an 1306. Depuis lequel teps,
laquelle des-il en jouyrent paisiblement par 60.
couure mieux
sin Autheur, ans, & jusques à ce que la Royne
que la supression de son no Teanne, fille de Robert Roy de Sine la peu cecile & Comte de Prouence, en sut
ler.

despouillée par le Sauoyen. Come il s'empara de Nice & Villefranche. pendant les longues guerres d'ens tre la maison d'Anjou & les Arragonois, pour le Royaume de Naples. N'en ayant moins faict du Comté d'Ast, qui est de la maison d'Orleas, comme donné en dot à Valentine de Milan. Ny del'homage de Fossigny qui releue du Dauphiné: Et de diuerses terres du Marquisat de Saluces, au mespris de l'Arrest contradictoire donné au Parlement de Parisle 10. Iuin 1390, le Ducouy & desfendu partous moyens & solenitez ordinaires: Par lequelle Roy Dauphin, fut declaré Seigneur du Marquisat & des fruicts d'icelluy.

Pour toucher au point,

Les histoires de France & de Sauoye, vous racomtent les differetes pretensions, tant des Roys que des des Ducs de Ducs sur ce pays. Mais les archives pays er teres

Droicts & pretensions reciproques des Roys de France & Sauoye sur ce voisines.

& plus fidelles memoires du Thresor des chartres de ce Royaume, vous peuuet asseurer, que Philippes 7. Duc de Sauoye eut de Marguerite de Bourbon sa premiere femme, Philbert & Loyse mere du Roy Fraçois 1. du nom, & Phileberte mere de Iulien de Medicis frere du Pape Leon 10. Et portoit le contract de mariage, qu'ils succederoient l'vn à l'autre pour le tout. Et leur fut faict don en preciput des Cotez de Baugé & Chastellenie de Bourg en Brefse. Philippes espousaren secodes nopçes Claude de Potieure, de laquelle vint Charles Duc de Sauoye, Philippes Duc de Nemours & Côte de Genesue, Puis René Bastard, Côte de Vilars & Grand-Maistre de Frace. Philebert neantmoins luy ayant succedé comme premier nay & principal heritier, deceda sans enfans, laissant sa sœur Loyse son heri-

acidnish.

TWO SHOWS

SUMTE

tiere vniuerselle: tant par la disposition du droict commun qui prefere les coioints des deux costez: que parla clause expresse du cotract de mariage. Et ores qu'ez terres où le masse estoit preferé, Loyse ne pretendoit rien; elle estoit neatmoins seulle heritiere de son frere en tout le bien de la mere, au precipu, & en tous les biens allodiaux. A l'occasion dequoy, le Roy François son fils, enuoya plusieurs personnages à diuerses fois vers Charles 9. Duc de Sauoye, frere consanguin de Madame sa mere; affin d'auoir raison de ses droicts, concernans tant le partage de sa mere, que la successió de son frere Philebert. Mais preuenu par les hautes passions de sa femme sœur de l'Empereur, ou autre occasion, ny voulut entendre. Et mesme refusa passage au Roy qui vouloit entrer par son pays en

Italie. Non tant pour vanger (comme aucuns disent) sur Loys Sforçe Duc de Milan, l'indigne mort du sieur de Merueilles son Ambassadeur qu'il auoit faict decapiter, que pour prédre possession du Duché de Milan & de ses deppendances, comme seul & legitime heritier du Duc decedésans hoirs le 24. Octobre 1535, encor que les Sforçes n'en feussent que violents vsurpateurs. Et en pretédoit le Roy l'inuestiture que de gré que de forçe, sçachat que l'Empereurs'y oposeroit pout eslogner les François d'Italie: Et qu'il auoit desià vendu au Duc de Sauoyele Comté d'Ast & pays Astesan premier patrimoine de la maison d'Orleans, donné par le Duc Gualeas Vicomte à Valentine sa fille femme de Loys Duc d'Orleans, de la maison duquel le Royse disoit chef & heritier tat de

luy

luy que de la Royne sa femme fille de Loys douziesme. Ioinct que le Duc de Sauoye, s'estoit jà descouuert ennemy des François, pratiquantles Suisses pour les destourner de l'alliance du Roy, à celle de l'Empereur son beau frere. Duquel il esperoit secours, come de frais retourné de son voyage d'Alger, qui est en Affrique. Mais plus auise & mieux coseillé, que lors qu'il y fut chasser le Duc Sforçe, & les Espagnols de Milan, par le Marquis de Saluces, & assieger Pauie où il fut pris, & mené prilonier en Espagne: ny voulut aller en personne. Ains apres auoir dressé son armée à Lyon, ill'enuoya 1536. sous l'Admiral Chabot. Lequel força presque toutes les bones places de Bresse &de Sauoye, à recongnoistre la fleur de Lys. Puis l'Admiral fut cotinuer ses efforts en Piedmont. Où depuis le

Roy enuoya les Sieurs Comte de Sain& Paul, Montejan, & d'Anebaut, qui prindrent Turin capitale du pays, & autres placës. Dot l'Empereur retourné d'Affrique à Rome, fit de grandes plaintes au Pape & College des Cardinaux: comme d'vn perturbateur du repos de la Chrestienté, & pendant qu'il employoittoutes ses forçes, cotre des infidelles pour la manutention & auançement de la Religion Chrestienne. Mais le Roy, fasché de ce qu'il ne rendoit ce que ses gens luy auoient enleué en Piedmont & Lombardie, poursuiuoit sa pointe. Surquoy le Marquis de Saluces se reuolte à l'Empereur. Quise met au chaps auec vne grosse armée, refolu de domter la Prouence & païs voysins, commele Roy auoit faict la Sauoye, dont il auoit despouillé fon beaufrere. Ce qu'il eust peut e-

strefaict, si le Grand-Maistre de Montmorency, nel'eust en fin fait retirer, faute de viures & autres incomoditez, dont il rompit l'armée plus que de forçes. Le Comte Guy de Rangon, Lieutenant du Roy en Piedmont, print Sauillan, deffendit la ville de Quiers cotre les Marquis del Gast & de Saluces, lequel fut tué d'vne harquebuzade au siege de Carmagnole, qu'on vouloit oster aux François. Puis le sieur de Humieres, fut enuoyé pour maintenirle Piedmont. Quiers neantmoins fut pris parles Espagnols, lesquels y tuërét les habitans, pour la faueur qu'ils portoient aux Frãçois. Cause, que le Roy enuoya nouuelle armee sous Monseigneur le Dauphin & le Grand-Maistre de Montmorency, qui print d'assault la ville de Suze sur les Espagnols,& le Chasteau de Villene, la ville de

Montcallier & autres plaçes, esquelles ils se maintindrent iusques à la paix de Nice, accordée en May 1538. pour 10. ans par l'intercession du Pape. Depuis Monsieur d'Anghien y fut enuoyé, qui gangna la memorable bataille de Cerizoles fur le vieil Marquis del Gast & les Espagnols, sur lesquels on prit Carignan & plusieurs autres plaçes, qu'on tintiusques au Roy Henry 2. Sous lequel, apres la prise & signalée route de Sainct Quentin, fut l'an 1559. la Paix accordée à l'Espagnol & Sauoyen. Aufquels on rendit cét quatrevingts dixhuit bones plaçes, fournies de fortes garnisos. Donnat le Roy en vn quart d'heure & par vn seul traict de plume, ce qui luy auoit & à ses predecesseurs plus cousté de temps, d'hommes, d'argent, & autres comoditez de son Royaume, qu'on n'eust sçeu

croire. A cause dequoy, l'vn des Mareschaux de France, l'appelle en Monsieur de ses escrits l'infortunee & mal-heureuse paix. Eu aussi esgard aux inconueniens qui ensuyuirent. Assauoir les guerres ciuiles, qui ont (ditil) faict mourir plus de Seigneurs, bons Capitaines & autres gens de bien en septans, que les guerres estrangeres n'auoient faict en septáte. Ne se pouuant plus les François occuper, qu'à s'entregorger su-rieusement les vns les autres. Somme, lon ne retint que les cinq principales & plus fortes villes du Piedmont, comme pour gages de la raison que les François demandoient, pour fruict de leurs pretenfions: Turin, Quiers, Chiuas, Pinerol & Villeneufue d'Ast, auec leurs finages, territoires, iurisdictions & autres appartenances, pour l'entretien & munition desdites places. Le

Roy mourut presque au mesme temps, luy assistantle Duc de Sauoye pere de cestuy-cy. Lequel,se treuuant lors à Paris, obtint du fils François 2. quatorze iours apres le decez du pere, Lettres patétes (non verissiées toutes fois en Parlement ainsi qu'estoit ledit traicté de paix) par lesquelles, tous les finages de ces cinq villes, sont restreins à vn mil piedmontois. Qui estoit retracher, les cinq sixiesmes au moins de ce qui estoit demeuré. Mais 1562. le Confeil du Roy Charles 9. aagé seulement de 12. ans, & le Royaume se treuuant agité de guerres ciuiles: apres auoir tiré Monsieurle Mareschal de Brissac de son Gouuernement de Piedmont: mit ez mains du Duc, pour Sauillan & trente-trois mil liures pour vn mois de paye des soldats, Turin, Quiers, Chiuas & Ville-neufue d'Ast. Nonobstant les remonstrances & animeuses protestations de Monsieur de Bourdillon nouueau Gouuerneur, & des Capitaines des plaçes, qui demandoient vne Assemblée d'Estats, pour en estre vallablemét deschargez; ou du moins la verification du Parlement de Paris, attédu la minorité du Roy. Car tous sçauent, que ce grand Senat, n'est moins venerable, pour le merite de si vertueux personnages: que necessaire, tant à la manutention de l'Estat, qu'à balançer les incertains euenemens des volontez du Prince: qui d'ordinaire se preiudicie plus à tout donner, & ne refuser rien à ceux qui le plus souuent l'assiegent & pressent indiscrettement: qu'à trop retenir ce qu'il pourroit liberaliser à ceux, qu'il iugeroit de merite & de plus grande esperance à l'aduenir. Le Conseil du Roy neat-

moins, fit ce qu'il luy pleut. Puis toute l'artillerie fut menée à Carmagnolle: où il s'en trouua presqu'autant qu'en tout le reste du Royaume. Ainsi toute l'asseurance des droicts François, fut reduite à Pinerol restat des cinq & Sauillan quine valoit gueres. Encor le Duc, pour oster aux François toute memoire de leurs droicts anciens: pratiqua, & en recompence d'vne magnifique collation qu'il fit au Roy Henry 3. retournant de Poulongne en Sauoye, eutaussitost que demandé, ces deux plaçes. Dont le pere de ceDuc, ne se pouvoit lasser de dire, qu'il luy auoit vne obligation infinie. Son fils toutes-fois, voyát le feu Roy l'an 1588. plus que demy chassé de Paris, son plus ordinaire & delicieux séjour, l'estimant ruyné: & mesprisant l'authorité, autant que l'effect de la Loy Salique: 1e

persuada, qu'il auroit auecses forçes & autres moyens, le plus apparent droict à la Couronne des Fráçois. Du moins, qu'il emporteroit aisément, vne des meilleures pieçes de cevieil nauire brisé. Et en voulut commençer la conqueste par les places affectées au fils de France, cóme vn gage de sa future succession. Tellemet qu'à la face des Estats du Royaume conuoquez à Blois, il entra auec vne grosse armée, au milieu d'vne profonde paix, dedans le Marquisat de Saluces pour s'en faire Seigneur.

Mais pour mieux vous faire entendre le progrez de ceste conqueste. Et par consequent les notables accidents qui en aduindrent. Puis la guerre de Sauoye, nostre principal subiect: me semble expedient de vous representer en peu de mots, premierement le pays & sei-

gneurie du Marquisat, comme premiere sourçe de tant de particularitez. Puis l'origine, descente, vie & sin des Marquis. En sin, comme & quand les François leur ont succedé. Et apres eux, le Duc de Sa-

uoyeiusquesicy.

Le Marquisat de Saluces, estendu par les monts Apenins entre les 43. & 44. degrez de la vieille Gaule, assez prez de la mer Prouençale, du costé de Nice; touche le Piedmot pays des Lobards ou Insubres anciens, au Nort: le Dauphiné à l'Occident: & le Mont Ferrat à son O. rient. Il a, pour villes & places plus renommées, Carmagnollesa principale, Burges, Caours, Pancalier, Ennet, Ville-neufue du solier, Morel, Montil, Carignan, Monasterel, Carde, Vignon, Ville-franche, Cauillimont, Raconis, Moullebrune, Carail, Someriue, Camaraigne, Caualerlion, Polognieres, Cafalgras, Forpas, Faule, Malazan, Villefalet

& Busque.

Les Marquis, se disent yssus d'Aleran & d'Altesse (fille d'Otho 2. Empereur 986.) refugiez à Guarese en Italie. Où reconnus & aduancez par l'Empereur de plusieurs terres, de Montferrat entre autre: laisserent Guillaume sieur de Motferrat leur ainé, & les Marquis de Cene, Poncion, Bosche, Saluce, Sauone & Finar. De Gautier vindrét les Marquis de Saluces: Entre lesquels, Mansfred gendre de Mansfred Roy de Sicile, bastard de Federic 2. Empereur, qui eut Loys. Duquel vindrent Nicolas Marquis & Richarde femme de Nicolas 3. Marquis d'Est, 1429. Nicolas eut Loys, auançé par le Roy Charles 8. àsa Lieutenance du Royaume de Naples. Qui laissa de Marguerite

Vascone Michel, qui eut grade auecle sieur de Lautrec aux guerres de Naples, & contre Philippe d'Orenge, Lieutenant de Charles 5. Empereur. Mourut 1528. Puisle peuple tira Loys deprison, où sa mere le tenoit, qui de nuict, l'espée nuë & la poincte en bas, luy vint demander pardon, & prier de le recognoistre pour fils & seigneur de Salluces. Ce qu'elle accorda. Mais le menant en France à l'induction de François premier, le fit prisonnier. Puis retournée fit François Marquis. Laquelle obtint encore qu'il feust assigné en France, & depuis ouy. Mais elle mouruten Dauphiné 1532. François neantmoins, quitta ce party pour se retirer à l'Empereur. De l'armée duquel chef, pour assieger Carmagnolley mourut d'vn coup d'harquebuze 1537. Puis Gabriel der-

nier des 4. freres fut Marquis. Qui mourut à Turin, ne laissant au Marquisat autre successeur que le François qui la tenu iusques à l'an 1588. que Charles duc de Sauoye se feir Marquis par forçe, sans autre droit que de voisinage & bien sceance: Mais fort Oportvnement (dit-il) Seigneur de tout ce qui en depéd. Car outre ce, que ses predecesseurs eussent de long temps enuiési belle pieçe, Cestuicy resolu de monstrer qu'il auoit moyen de s'agrandir par forçes d'esprit, autant que parautres moyens, fit estat de s'en asseurer par argét, promesses & telles autres voyes plus que par armes, qu'il reservoit à l'extremité. Par ce, il auoit dez le commencement de l'an 1588. entretenu La Coste commandant à Carmagnole, par offres, presens & autres diuerses faueurs. Lequel en ayant aduerty le Roy,&

D iij

aduoüé de luy, iusques à ce qu'il luy eut enuoyé vn chef pour successeur: en tira par si double trame de 25. à 30. mil escus. Puis se retira bien venu de son Prince pour le seruice passé. Ce qui occasionna le Duc, d'y dresser vne autre intelligence, enuiron le temps des Barricades de Paris, par S. Simon Prouençal. Lequel y auoit autresfois seruy le Roy, & depuis estoit allé suyure le Duc. Mais y ayant esté les trameurs (fors sainct Simon) estranglez auec le Gentil-homme d'Auignő qui leur portoit les doublons, pour le prix de leur marchandise: dressa armée comme pour se ietter sur le Montferrat & Mantoüan: Puis s'arresta deuant Carmagnolle en Decébre 1588. Qu'il prit aussi tost, sur 4. enseignes mal complettes, dont prez de cent soldats se retirerent au Chasteau, que trente soldats guardoiet.

Lesquels, faute d'autre prouisson que d'artillerie, & ses munitions: se rendirent huict iours apres la ville prise, vie, armes & bagues sauues, auec paye pour trois mois, que les chefs(bien contentez d'ailleurs) distribuërent mal aux soldats. Lesquels desbandez, n'ont esté depuis veuz, non plus que les chefs. Il prit le mesme iour & par semblable moyen Cental. Puis Rauel, qu'il battit & força en trois sepmaines. Où fasché, d'auoir perdu nombre de gens, aima mieux reprattiquer ses corruptions que la forçe, pour enleuer le reste du Marquisat.

Craignant toutesfois les forçes du Roy autant peut estre, qu'il se doutoit de ses moyens à maintenir sa conqueste: enuoya en France pour gratisier le Roy: iusques à vser de diuers pretextes, pour colorer & adoucir ses desseins: & faire trouuer

sinon bonnes, du moins non tant desagreables ses actions enuers sa Maiesté. Vers laquelle apres auoir vsé de quelque gracieux propos, pour luy faire aggréer ses desseins: auec asseurance de remettre tout entre ses mains, affin peut estre de l'endormir & prendre plus de loisir, à bien asseurer sa conqueste. Il degrade neantmoins, les Officiers de sa Maiesté: y en establit à sa deuotion. Arrache & brizeles fleurs de lys: Esleue les armes de Sauoye. Munit ses places de partie des pieçes d'artillerie Françoise. Et pour donner à connoistre, qu'il pretendoit bien plus haut: se fit esleuer en relief apres le naturel, sur

Les premiers vne pieçe de monnoye forgée ex-Grecs rudes prez. Et au reuers d'icelle vn Cenchoses, comme taure, foulant au pied vne Courontous autres peuples à leur ne renuersée, pour le corps de sa comencement, deuise: Et pour l'ame ce mot Opor-

tune:

de Saucye.

tunt: Comme s'il eust desiré, d'effe-Auër ses grands desseins, par les forces tant du corps que d'esprit. Surquoy, ne voyant beste qui representast celle du Lyon & du Renard ensemble, que le Centaure homme-cheual:pour ce que l'vn se peut autât preualoir de la forçe de l'esprit, que l'autre de celle du corps: pensoit fort ingenieusemet monstrer, qu'il auoit espié iusques aux troubles de la Ligue (qu'il denotoit par le mot Oportyne) & iudicieulement attendu, l'occasion de le faire droict par armes & subtilité d'esprit, ez pretensions sur les fleurs dulys. Dequoy aucuns des Fráçoys, ayans esgard que des plus

powce qu'ils le voyoient fier or libre, ne l'ayans encor dompté: s'esmerueilloient des Cetaures Et Lapites notables familles, ou felon d'autres, peuples de Thefalie ja adroicts au manage des chenaux, H qui premiers leur monstrerent à les picquer, manier. dompter, [] à faire tous autres exercices,queles Grecs apprindrent depuis à cest animal. Ainsi que diners pens ples de l'A=

merique ont admiré de nostre temps, le simple maniemet du cheual des Espagnols; qui se sont autant preualu de cesté nouveauté en leurs conquestes Americaines que d'autres subtilitez, sans lesquelles ils ne les euffent assuiettis. C'est pourquoy les Anciens appelloient El peignoient les Centaures demy-hommes & cheuaux, comme si cen eust esté qu'one creature remuante, qui tint forme de

belles deuises, le corps & l'ame doiuent auoir vn clair & vray rapport au dessein & naturel de l'autheur d'icelles: dirent que le Duc n'eust fçeu mieux exprimer la legiereté de de ses desseins, que par le naturel d'vn homme qui tient de la beste: Assauoir d'vn animal imaginaire tel qu'est le Centaure, que l'ignorance des premiers Grecs substilisa estre vn homme & cheual tout ensemble: Ny plus clairemet faire parroistre ses vaines obligations vers les Roys Tres-Chrestiens, que par la brutale stupidité d'vn cheual, qui ne fait seruice à son maistre que par forçe, & comme en despit du bon traictement qu'il en reçoit. Mais le Roy, la grande promptitude de corps & d'esprit duquel, est admirée par ses ordinaires, louée de tous autres, & treuuée estranges parses ennemis mesme: fit assez tost, d'vne pareille invention & aussi haut courage, mais auec vn plus heureux effect, retraire sur vne autre pieçe, vn Hercule armé à l'antique, foulat de ses pieds vn Cétaure rué bas. Sur lequel triomphant de sa victoire, il hausse vne massuë de la droicte, & de la gauche vne Couronne Royale, qu'il semble auoir releué, ou vouloir deffendre contre tous efforts, pour le corps: & pour l'Ame de la deuise, ce mot Oportvnívs. Plus à propos: ou mieux à point. Affin de tirée de l'hifaire connoistre au Duc, qu'ils'estoit precipité faute de jugement, Centaure ou n'auoit sçeu mesnager l'occasió, ce quilluy en la tantiudicieuse attente de la-Deianira son quelle, ilse pensoit recommander au deshonneur des trop viues chaleurs (qu'il appelle inconsiderées boutades) des François. Lesquelles neantmoins, auoient & à point nommé, confondu & renuerséles

La Deuise est Stoire d'Hercule tuant le Nessus pour

graues & tant remaschées considerations des Sauoyens & Piedmontois. Surquoy plusieurs aussi libres delágue que de cóception d'esprit: trouuoiet fort notables ces ieux de Princes, que les anciens appelloient les grands iouëts de la fortune. Et à vray dire, les plus signalez instruments en ce bas monde, de la prouidence diuine: Ausquels, ellefaict & parfois laisse produire, de hauts & variables desseins, mal mesurez quelque fois, souuet mal-heureux, mais tousiours preiudiciables aux subiets de la plus part d'iceux. Somme que plusieurs, mais des Fráçois surtous, semerent les plaintes par tous pays, de l'ingratitude du Duc, &mesmes des inhumanitez estranges exerçées par luy & les siens cotre toutes sortes de François, qu'il trouua resolus de dessendre la liberté de leurs pays, par l'effusion de

leur sange iusques à preferer la mort à toute seruitude estrangere. Notament ceux de Prouence & Dauphiné. Desquels, disent-ils, il pensoit faire comme ses deuanciers auoient fai de Piedmont, Ast, Nice, Villestranche, & tat d'autres plaçes. Si que plusieurs de ceux mesmes qui luy auoiet ouuert les portes, surent en sin cotraints de chasser les siens des lieux, où il se trouuerent les plus sorts.

Tellement que ce Prince, que les Italiens disent plus politic que chaleureux guerrier: ayant consideré que tout ne reüssissoit à son desir. Voyant d'ailleurs le Roy Henry 4. reconnu, aimé, obey, respecté, & honnoré de tous, plus qu'autre de ses predecesseurs. Prince né, nourry, esseué entre les armes, enrichy de toutes les parties qu'on peut requerir à former vn grand Capitai-

E iij

ne & vn grad Roy tout ensemble: cotre les efforts duquel, il ne pourroit plus long temps garder ce Marquisat par forçe. Veu mesme que par le traicté de paix, chacun deuoit dans vn an rentrer en tel estat qu'il estoit auparauant les guerres: se treuua assez empesché pour se bien resouldre sur vn tel accidét.

Pour mieux esclarcir cecy: vous entédrez que le Ducayat en uoyéle Marquis d'Olulin pour interuenir de sa part au Traicté de la paix de batuë à Veruin, entre les Roys tres-Chrestien, & Catholique, il y fut en fin compris. Auec charge, que le surplus des differens d'entre le Roy tres-Chrestien, & luy, demeurez indecis, seroient remis au iugement du Pape, pour estre par luy decidez dans vn an. Mais le Pape, ayat pour quelques occasions dilayé & faict prolonger le temps du copromis:

En fin exhortale Roy & le Duc de les terminer entr'eux mesmes, ou par personnes interposees, à l'amiable, sans y attendre son jugement. Le Roy luy promit, tant pour la reuerence qu'il luy porte, que le bon desir qu'il a au bien de la paix:qu'il entendra volontiers les propositions que le Ducluy fera, pour vider le different du Marquisat. Et le Duc aussi pritresolution d'enuoyer en France y contéter sa Maiesté en quelque sorte. C'est comme parlent les François, qu'il eut recours aux subtilitez, puis qu'autres forçes ne le pouuoiét asseurer: qui furent submissions & temporisements. Car ayant practiqué ou sçeu par aduis, que rien n'alentist & commande plus le violent naturel du François, que la douceur, que les specieuses exspectatives & desguisez delais, esquels on luy faict con-

sommer, sa d'autant plus forte chaleur, que'lle est de source & de matiere delicate, par ainsi de petite durée:Ilse resolut d'offrir tout au Roy. Mais en retarder l'effect par lógues remises, esquelles il esperoit entretenir sa Majesté, sous les plus belles & ingenieuses ouuertures qu'il pourroit subtiliser. Se promettant d'ailleurs, qu'é l'incertitude du teps, & continue varieté des accidés humains, il mesnageroit quelque occasion, à l'aduatage de les desseins. Premierement il enuoyale Cheualier Breton, asseurer le Roy de sa bonne volonté, à luy donner tout contentement en l'execution de ceste paix. Ce Cheualier natif du Comte de Venisse, mais habitué en Frace, où il tint le party de la Ligue, s'estoit la paix faite, acomodéauec le Duc: auquel retourné, il porta permissió du Roy, de le venir trou-

uer

uer en toute seureté d'y estre bien reçeu. Se persuadant, que si son Altesse alloit en France, veuës ses belles parties, elle feroit auec la debőnaireté du Roy & son Conseil, tout ce qu'elle voudroit, pour ueu qu'il le contentast sur le fait du Marquisat.

Son Altesse, pour laisser en la memoire des François & de leur posterité, vn notable seignal de gradeur, tant de son merite & richesses, que des alliances Espagnoles: vint à Lyon, suiuy de douze cens des plus remarquez Seigneurs, officiers & autres quallifiez personnages, qu'il auoit expressemet assemblé de tous ses pais: mieux parez que n'eust permis en autre temps, la forme du deuil que leur maistre portoit, du decezde la Duchesse sa femme, puisnée des deux filles d'Espagne. Train dont le premier & plus grand des

F

Monarques Chrestiens, se fut contenté: comme qui suffisoit à le pouuoir tres honnorablement & fort fusfisamment seruir. Puis se sit pompeusement porter par grand nom-bre de batteaux faits expres, sur la riuiere de Loire iusques à Orleans. Et de là fut en poste trouuer le Roy à Fontaine-bleau, auec Monsseur le Duc de Nemours son cousin, que le Roy luy auoit enuoyé au deuant. Et bien qu'il eust grad desir, d'estre veu plustost qu'attédu par sa Maiesté! la trouua sortant de la Messe neantmoins, prestà monter à cheual & aller à l'assemblée auec grande suitte sur le chemin, par lequel le Duc deuoit venir. Lequel habillé de deuil & petitement accopagné, pour auoir laissé son train à Orleans auec charge de le venir trouuer à ses iournées: fut amiablement recueilly, honnorablement reçeu, &

traicté par sa Maiesté en toutes sortes de courtoisses Françoises. Sans luy permettre de parler d'autres affaires, que pour luy doner tout plaisir & contentement. Renuoyant le suiect de sa venuë, déslors qu'il luy voulut parler d'affaires, à son Conseil. Puis pour à loisir & plus particulierement auiser à tout, à Monsieur de Rosny, Maximilian de Betune, de la tige des anciennes maisons de Fladres & Melun, Grad-Maistre de l'artillerie, Surintendant des Finances des fortificatios, & Grand Voyer de Frace. Au merite des vertus duquel, sa maiesté se reposoit. Come le Duc en celuy d'vn sien Confident, ausquels ils donnerent la charge de conferer du tout.

Le Confident du Duc,tachant d'ombrager la petite, mais asseurée qualité d'vn Marquisat: par la gráde, bien qu'incertaine apparence

d'vne plus haute dignité: tendoit à luy persuader, que le Ducn'estoit seulement disposé de seruir le Roy: & sousmettre auec le Marquisat, toutes autres choses à sa volonté. Mais qu'il venoit principalement, pour luy offrir tous ses moyens, & faire ouuerture à l'Empire des Chrestiens. A quoy il deuoit buter, plustost qu'à chose de si peu, que le foible heritage de Saluçes. Que ce grand Estat luy ryoit: luy tendoit les bras, & n'attendoit d'estre gouuerné par autre, veu les manquements des Princes. Et les beaux moyens que luy & ses amys auoiét pour les employer à son seruice. Ne voyant vn seul; qui le peust seulement trauerser en cela. Que le Pape & autres Potentats de la Chrestienté, seroient pour luy. Que la ieunesse du Roy d'Espagne, & son inclination aux plaisirs, ordinaires

aux Princes de son aage, l'empeschoient de moter si haut. Et le dernierseul, à seulement coçeuoirtelle Grandeur. Voire que le Ducle pourroit assez empescher, si sa Maiestéle vouloitassister en la coqueste de l'Espagne, affectée au partage de sa femme. Pour dot de laquelle, on l'auoit, mais toussours en vain, repeu du Duché de Millan,& d'autres conditios; que le Roy son frere, ne luy denioit moinsfacheusemet, qu'il sembloit guayement liberaliser ses terres, en faueur de l'Infante sa belle sœur aisnée. Le mary de laquelle, Albert d'Autriche, ilauoit entre autres grandes faueurs, pourueu du tiltre & seigneurie du Comté de Flandres & des Pays-bas. Lesquels sa Maiesté pouuoitaisémentrecouurer, auec tout ce que le Roy d'Espagnetient de luy, & de la France: s'il luy plaisoit em-

Monsieur de Rosny sous-riant, l'asseura, que le Roy son Maistre, ne pésoit qu'à la paix, apres si malheureuses guerres: & à maintenir ses sujects tant harassez en vn bon repos. Puis à recouurer son Marquisat. Que son Altesse y deuoit contenter sa Maiesté. Et qu'apres, on pourroit parler d'autres choses. Que si le Roy d'Espagne luy faisoit tort, il s'employeroit volontiers pour les accomoder.

Si que le Duc voyant déslors, & tousiours depuis, que le Roy luy cofirmoit tout cela: ny treuuant la facilité qu'il s'estoit si legierement promis; soit qu'il fust venu pour l'executio du traicté de paix: soit pour brasser quelque chose contre le repos de l'estat: comme plusieurs de ses portemens firent persuader à aucuns: il commença de congnoistre,

que les tant legers & trop souuent mal mesurez desseins des hommes, nese conduisent, & moins encor reüssissent, vne si aisée & tant agreable fin qu'ils se sont proposé. Ayant sur tout à démesser, auec vn tel Prince, qui ne veut rien perdre aux carresses & aduantages qu'il permet. Sur ce, le Roy voyant le Duc fort ennuyé, pour ne sçauoir commeil fortiroit à son honneur, d'vn voyage qu'il trouuoit de plus aysée entrée que d'heureuse yssuë. Et sur tout, pour la crainte qu'on ne luy fist signer quelque chose cotre son desir : luy sist dire, qu'il ne s'en tormentast, qu'il ny seroit forcé en aucune sorte. Et s'en pouuoit retourneraussi entier de volonté, qu'il y estoit entré. Qu'il luy tiendroit asseurée la parolle de Roy, qu'il luy en auoit doné. Et que s'il craignoit, ill'accompagneroit & feroit escor-

te de sa personne, iusques aux fins & limites deson Royaume. Tellemét, qu'apres auoir semé aux plus grands & notables qui se trouueret fors en Court, de belles marques d'vne genereuse liberalité: promit au Roy le 26. Feurier, pour plus honestement sortir de France, de rendre le Marquisat dedans le premier de Iuin, tel qu'il l'auoit pris. Ou de laisser au Roy dans ce téps, la Bresse, Pignerol & les valées, à fon choix. Ce qui fut solemnellement signé de part & d'autre. Mais comme estant de retour en ses pays, il sit entendre à tous, auoir esté forcé à cest accord: & par cene demandait que delay sur delay, pour effectuer sa promesse: ne voulant que gaigner remps, affin que l'hyuer suruenant empeschast le Roy de rien entreprendre pour ceste annee: asseuré qu'auant la prinse de l'autre, il luy

brafferoit tant d'affaires, qu'ille forçeroit d'auiser ailleurs: Il occasionnaleRoy, de penser à leforçer à son deuoir, apres la patiéce de 70. iours plus qu'il n'estoit conuenu, & qu'il eut declaré ne vouloir accomplir ce que ses Ambassadeurs auoient arresté. Et pour cest effer, se voulutacheminer à Lyon. Où par diuerses menées, il eust encor vn delay. Apres lequel, le Roy duquel la douce bonté vers les humbles, ne le segnale moings, que la chaude magnanimité, vers les plus hautains; & la generosité enuerstous, luy sit mãder, que si dans le 10. d'Aoust, il ne luy tenoit sa promesse, qu'il se print pour dessié. Tellement que crainte que son trop de bonté, occasionnast au Duc, vn plus grand mespris de ses moyens: sit vne solemnelle declaratio, qu'il n'estoit autheur de la rupture de la paix, ny cause de la

guerre qui s'ensuiura : ains le seul Duc, auquel il feroit la guerre contre son gré: pour son refus, de luy rédre ce qui appartient à la Couróne des François. Affin aussi, de faire congnoistre à tous peuples, qu'il n'auoit passél'accord, pour aucune foiblesse de son Royaume: Non plus que de crainte d'aucun peril: moins encor de son ennemy: Mais pour le seul desir d'estre veu, tres-Religieux obseruateur de la paix: fondéesur la foy reciproque des Princes. Laquelle il a tousiours reueré, comme vn autre Soleil du monde, comme la Royne des humains, & le nonmoins necessaire que honnorable lien, pour la conduitte de la societé mondaine.

Sur ce, iugeant Monsieur de Rosny, qu'il vouloit encor amuser le Roy: & qu'il valoit mieux pouruoir à la guerre, que de se reposer sur l'atde Sauoye.

tente d'vne douteuse paix: Que la faison s'escouloit: qu'il ny auoit à Lyon aucun preparatif d'armée: pressa le Roy de luy donner congé pour aller à Paris, y donner ordre à tout: & notamment à l'Artillerie & aux Finances, que tous iugent estre les premiers & plus recommandables nerfs de la guerre. Si que par vne rare dilligence, le Roy se vit en trois sepmaines, hommes, argent, & munitions bastantes, à vn plus haut desseing que la conqueste de Sauoye."

Sans doute, les plus pratics en la militie, ont toussours appellé la diligence, mere des plus belles actiós de la guerre. D'autant, qu'elle ne tourne seulemet les choses estimées par le commun impossibles à la possibilité: mais aussi, ce qui ne se peut comprendre par le vulgaire, estre au plus iudicieux aisé à conce-

uoir, & plus encor à reuestir d'honnorables effects. Qui est occasion, que le Populaire les admire comme mignos de la fortune: à laquelle ils aiment mieux attribuer la fource de si estranges operations, qu'au pouuoir humain. Aussi les plus eloquens des Grecs & Romains, suiuis des plus renommez entre leurs descendans, ont dit, & laissé pour maxime asseurée, suyuans l'erreur commun, que la fortune balançoit les accidens de la guerre. S'attribuat à bon droict, la plus part de l'honneur qui en sortoit. Voire qu'elle distribuoit en sorte les occurrences des humains, qu'ils ne faisoiét doute, de luy assigner parfois les plus beaux effects de la vertu. Mais, outre l'impieté de se fantasier vne basse diuinité moderatrice de nos actions: Ils s'y sont monstré, aussi mal propres au mestier de la guerre, que peu verlez aux affaires d'ede Sauoye.

stat. En ce, que despouillans les plus gentils de tout honneur, qui doit suyure la vertu comme l'ombre le corps: ils les descouragent en fin, de chercher par si genereux labeurs, le merite de leurs belles actions, quand ils le voyent attribuéà d'autre chose qu'à leur trauail. Et la practique tant des guerres que des autres actions humaines, faict affez cognoistre aux plus iudicieux, que le Chefyfaict sa bonne ou mauuaise fortune. Et ores que la valleur d'aucuns, soit no seulement enuiée, ou teuë, ou bien ingratement desniée aux gens d'honneur: ains aussi de malice ou d'ignorace, attribuée à d'autres qu'à ceux desquels elle procedde: le téps neantmoins, plus iuste guerdoneur de nostre suffisance que les homes: tirant la verité à son iour, faict en fin

paroistre, le bien & le mal en pres-

que toutes les suruenuës dentre les humains. Mais affin de ne reculer les mieux nez, par vne si longue & peu fructüeuse attente. Ie dis, que sans parler des autres qualitez, necessaires à vn grand Capitaine: La rare & discrette dilligence du Roy à preuoir, pouruoir & gouuerner toutes choses les plus necessaires en ceste guerre: Puis de Monsieur de Rosny à preparer, conduire & mener à fin sous les vertueux commádements de sa Maiesté, presque les plus importans traicts particuliers d'icelle: vous fera voir, non seulement que ceste grace fut segnalée entre 'toutes les plus notables occurrences de ceste entreprinse:come elle fit ez hauts desseins des plus renommez, & peut estre les plus grands Capitaines du passé. Mais aussi, que le merite, que plusieurs sirent voir ez diuers & tres-signalez

efforts de leur vertu: ombragé sous le brillant esclair de telle soudaineté:eust esté sans ce discours, couuert de quelque hazard, ou rapporté à vn autre but que le sien naturel: ou peut estre, resté comme enseuely par le téps & nonchalance de ceux, qui le deuoient retirer de l'ingrat oubly: pour le faire connoistre à tous, & reconnoistre par ceux, à l'honneur & prosit desquels il sut praticqué.

Or, comme les plus beaux effects de la guerre, sortent des surprises esquelles l'ennemy peut plustost voir que preuoir saruine: comme nous ont monstréces braues Capitaines du passé, qui entreprenoient & executoient presque en mesme temps: la dilligence, vraye mere de si aduantageuses actions, sut si grade à preparer, pouruoir, à cheminer & disposer l'armée pour la des-

puceler par quelque notable exploit, affin que ce premier traict, seruist de certain presage aux armées de ces Princes ennemis, pour les eschauffer & refroidir à la poursuitte des choses auenir: que le Roy Tres-Chrestien, ayant mais tousiours en vain, attendu la fin de tat repetées promesses du Duc, les deux plus importantes places de Bresse & de Sauoye, furent surprinses: & sans perte notable, heureusement enleuées par Messieurs de Biron, Mareschal de France, & Lefdiguieres Gouuerneur en Dauphine: D'autant plus recommandables Generaux d'armées, qu'acoustumez, comme genereux disciples de ce grad Mars Henry IIII. à suyure plus qu'à deuançer la gloire, que tant de vertueux effects poussent deuant eux, pour digne guerdon de leur merite: Ils semblent

blentattendre, bien qu'ils deussent plustost choisir celle de tant de belles plumes Françoises, qui puisse plus suffisamment representer, leur non moins naturelle, que discrete valeur.

La Bresse, pienant sa longueur Bresse, d'enuiron 50. lieuës, & le quart de largeur entre la riuiere du Dain, les païs de Nantüa, Sain & Maurice, & autres qu'elle a pour ses limites à l'Oriét: come la riuiere de la Saone, &le Masconois au delà pour son Occident: borne les terres du Duché de Bourgongne au Nort, & le Lyonois au Midy: se faisant remarquer, par le bon air & fertilité de sa terre, plus que pour autre chose rare. Bourg en est la Capitalle ville, Bourg. commandée par l'vne des plus fortes & mieux munies Citadelles des Gaules. La nuict du 10. d'Aoust, laquelle finissoit le iour limité au

H

Duc, pour l'effect de ses tant reiterées promesses, Monsieur le Mareschalsetrouua auec enuiron douze cents hommes deuant Bourg Capitale du pays Bressan. Laquelle il attaqua par esquallade & autres efforts, si gaillardement, que six cents hommes treuuez sur les murailles pour la deffence de la place, ne peurent empescher, que le petard ne feit assez d'ouuerture à ceux qu'il auoit ordonné pour le seconder, & y entrer apres que ce bout de canó auroitioué. Desorte, que se voyat dedans,sans autre perte que d'vn soldat: apres la dessence d'vn pillage general & commandement de suyure les Chefs: ne s'employa qu'à poursuiure ceux qui se presențoiet pour l'arrester, tirant vers le Chasteau, qu'il eut bien desiré prendre d'vne mesme desmarche: Mais se voyantretardé, tant par l'ignoran-

ce des lieux & aduenues de la place, que par l'obscurité de la nuict, & retraite des premiers qui s'y estoiét jà sauuez pour l'asseurer par le guarand de leur vie: se contenta d'auoir furieusement rembarré das ce fort, tous ceux qui ne voulurent ployer àses commandemens. Quifurent de maintenir l'honneur, les biens, la vie, & toutes autres commoditez des habitans, lesquels prefererent la recongnoissance de la fleur de Lys, à la Seigneurie du Duc de Sauoye. Puis, licentia les deux cents Suisses que le Duc y entretenoit pour la seureté de la place. Les laissant aller en liberté, sans raçon, & chargez de tout ce qu'ils monstrerent leur appartenir. Ce faiet, curieux de mesnager le temps, l'argent & l'armée, qu'il y eust falu pour batre & gaigner si forte place: & ne faire befoin à son Prince, demeurant ou

moindre que luy suffiroit: reserra si dextrement & par forme d'asseuré blocus, les retirez dedans le sort; qu'ils n'eurent depuis moyen d'en sortir qu'à leur desaduatage: & auec beaucoup plus d'enuie d'y reuoir le dedans, qu'ils ne s'estoient auançez au dehors: par le bon deuoir qui sit le sieur de Sain & Angel, qu'il y laissa pour commander aux troupes, iusques à l'esse que vous entendrez en son lieu.

En mesme temps, & la nuict suyuant l'exploit de Bourg, le Roy ayat fait entrer son armée en la Sauoye, la voulut entamer par la prinse de laprincipalle & plus importate plaçe de toute la Prouince. Et pour cest essect, auoit enuoyé le sieur Desdiguieres auec nombres d'Enseignes, & quelque Caualerie legere, pour forçer Mot-melian. Mais pour mieux vous faire conçeuoir les plus notables accidens, qui se passerent en ce pais: me semble tresnecessaire, de le vous representer au plus pres du naturel.

La Sauoye, posée entre les 44. & sauoye.

45. degrez de la Gaule Celtique: en pais presque tout montueux & peu fertil, comme pierreux, froid & humide: a pour bornes le cours du Rosneau Nort & Occident: vne filliere des Alpes à l'Oriet: & le Dauphiné au Midy. L'Isere luy est la pl' notable de ses riuieres. Laquelle sortie des Monts voisins de l'Vnebourg, trauerse & rend assez fructueuse la Morienne. Puis accreuë entre Grenoble capitale du Dauphiné, des eaux d'autres diuerses riuieres, ou à mieux dire des gros & petits torrens, formez de tant de neiges fonduës, que les testes & pédans de ces montagnes y distillent: se pert au Valentinois pres Tour-

H iij

Le Rofne, qu'aucuns appellent le Roy des fleuues de la Fráce,

non dedans le Rosne. Lequel aussi mal cognu en l'origine de son nó& de ses eaux, que renomé des Grecs & Latins, par la forçe d'icelles: Et plus recommandé par les grandes comoditez qu'il porte aux Gaules, Italie & païs voisins: semble lors redoubler la violente rapidité de son Cours, come pour se haster de rendre sa portée au dessus d'Arles à la mer Proueçale, autrefois dite Gauloise & Ligurine: Auiourd'huy mer de Leuant par les Italiens & autres, qui trafiquent le plus sur icelle, au ec les peuples qu'on appelle & qui nous sont, estrangers de pays, de mœurs, naturel & religion.

Mont-mellian ville. Mont-melian est l'une des principalles & plus renommées villes de la Sauoye. Estendue sur une plaine que resserrent aussi tost les môts voisins. Contre laquelle passe l'Isere, qui luy preste ses eaux pour en

accommoder ses habitans. Elle est petite, ceinte de foibles murailles, mal percée & aussi peu flanquée, incommodément bastie. N'est mesme si bien peuplée qu'anciennement, pour les incommoditez que les guerres passées luy ont apporté: Ioint que les naturels, simples & montagnez, n'aimét non plus que firent oncques leurs deuanciers, ny tout le reste des Sauoyens, le bruit des armes. Moins encor les alarmes. Et hayent mesme tous effects guerriers, pour les raisons que i'ay desduit ailleurs. Au reste, elle est auiourd'huy plus renomée par la forçe de sa Citadelle, dont nous parlerons cy dessous, laquelle luy commade & à tout le voisinage: q pour trafic qui s'y face, ni richesses qui s'y treuuet: non plus que pour grands esprits, ciuilité, gétilesse ny aucune chose notable, qu'on y aye peu re-

marquer.

Comme le sieur Desdiguieres eut veu, que toutes les troupes auoient fourny au Rédé-vous, pour la surprise de ceste plaçe : il commãdale 17. d'Aoustau sieur de Crequy son gédre, d'y mener son regimét, qu'il faict soustenir par la Caualerie legiere, suyuant pas à pas, auec le reste. Lequel donna si resolument & à propos sur ceste place, que la garnison, n'ozant ou ne pouuat luy faire teste: & forçée de se tapir dans le Chasteau, luy laissa en fin l'entrée & commandement libre par toute la ville. Enlaquelle, le Roy ayat difpofé les affaires selo qu'il en voyoit le besoin: fit auançer l'armée vers Chambery, Capitale & Parlement, ou à mieux dire, Senat & siege du dernier ressort de la Prouince. Selon le repartement qu'il auoit faict dés le commencement de ceste

guerre,

guerre, d'employer Monsieur le Duc de Biró, aux exploits de la Bresse, comme vous auez veu. Le sieur Desdiguieres à ceux de la Sauoye: reservat sa presence tát pour la prise de la capitale, que des autres plaçes du pais ennemy. Tellement qu'il vouluttout ordonner pour le siege & batterye de Chambery. Et bien que le Duc, y eust laissé de quatre à cinq cens hommes de guerre, qu'il esperoit estre assistez des habitans: pourueuz d'ailleurs de ce qu'il iugeoit, leur estre necessaire à maintenir la plaçe, du moins à temporiser & tirer ceste guerre en logueur, en laquelle il mostroit assez, auoir plus d'espoir qu'en autre chose : la ville toutesfois ne fust plustost inuestie par la Cauallerie legiere, nombre d'arquebusiers commandez par le sieur de Grillon, digne Maistre de Camp du Regiment des Gardes:&

de ou petite enuers eux, par l'issuë de leurs premiers desseins. Esquels par consequent, ils sont suyuis ou abandonnez d'vn chaçun. Somme que l'armee du Roy, prenoit si grad plaisir en la continue de si beaux exploits, & s'esleuoit mesmes à si hautes esperances, qu'elle ne tenoit aucun dessein, que son Prince peust faire, impossible. Feust-ce à renouueller les vieilles pretétions de Naples, par vne aussi propte coqueste de l'Italie, que furent non seulemet celles de tant de braues Chefs Gaus lois, ny mesme des premiers François, qui semblent par le simple discours de nos pauures Historiens, y auoir entré pour s'esbatre plus que combatre aucun ennemy. Mais de celles de Charles 8. & des Roys ses fuccesseurs, qu'il laissa toutesfois, heritiers peut estre, de ses passions, plus que de son bon-heur, ou de

la suffisance des Seigneurs & Capitaines qui luy assisterent à l'heureuse entrée, non moins qu'à la valeureuse sortie d'icelle.

Le mesme effroy des armes Fran-Conflans. çoises, fit rendre ceux de Conslans, apres s'estre fait battre de deux canons: quandilles virent & sentirét aussi tost placés, que pointés & vomir leur rage contre leurs foibles desfences, qui ne peurent empescher la breche raisonnable. Pour remplir laquelle, le Roy estoit prest de faire marcher troupes jà esleuës. Si la garnison de douze cents hommes de guerre, preferant l'incertain euenemet d'vn furieux assaut, à l'honeur asseuré d'auoir en bons guerriers, du moins tasté la valeur des ennemis: n'eust mieux aymé eschãger le commandement de la plaçe, à la liberté de la vie, & bagues sauues, qu'on luy permit d'emporter,

iij

Myolant.

Le Chasteau de Myolant, est esleué sur vn hautrocher inaccessible de tous endroicts, pour les effroyables precipices qui l'enuironnent. Il a, le cours de la riuiere Isere à son pied, pour mieux en accomoder sa garnison. Fort estroit au reste, mal logeable & referré. Bien renommé au pais neantmoins. Comme plaçe de grande importance aux Ducs de Sauoye. Aussi s'en sont les predecesseurs de Charles Emanuel, seruy pour seure garde des personnes notables, ou qui leur importoiet plus. Suyuit toutesfois l'exemple de Coflant. Car les y reserrez, aymerent mieux iouër au plus seur, qu'esprouuer les premieres bourades des Fráçois armez à leur ruine.

Charbonnie-

Le Chasteau de Charbonniere des plus renommez de tout le pais, doit prendre le nom de fort plus que de Chasteau, ny d'autre domi-

cile. Carcen'est presque qu'vn rocher haut esleué. Plus asseuré par le naturel du lieu qui ne luy donne aucune aduenuë, que par artifice ou bastiment, qu'on y aye iamais fait. Car il est de touscostés inaccessible, fors du petit chemin & sentier ordinaire qu'on y a fait, par vn long & fort opiniastre labeur, pour aller à la porterie.Le Roy toutesfois, qu'aucuns disoient comme de Cæsar, comander plus qu'obëir à sa fortune: sçachant la place pourueuë de tout lebesoin pour arrester vne grosse armée, y sit acheminer ses troupes. Puis dresser deux bateries de neuf canons, plaçez deçà & delà l'eau. Si que les assiegez, se voyans battus de huict cens coups de canons, & sans espoir de secours humain, capitulerent le 10. de Septembre pour en sortirsans drapeaux, meches esteintes, & bagues sauues.

Mais comme les sieurs de Rosny, Villeroy & de Morges Mareschal de camp, se feussent auaçez iusques àlaporte, pour arrester, puis effectuer la Capitulation: Aucuns des assiegez, plus aduisez ou courageux, firent changer la resolution du traicté. Qui ne leur deplaisoit, que pour s'y voir priués de leurs drapeaux: la plus honnorable, bien que moins fructuëuse marque de tant infortunez soldats. Enuoyeret mesmes quelques harquebuzades sur les François. Toutesfois, voyans la batterie recommençer, se refroidirent assez tost: choisissans pour le plus asseuré, d'ensortir en nombre de deux cents hommes de guerre, quise disoient reseruez pour faire mieux en autre lieu.

L'an 1597.

Ceste place auoit esté prise par le sieur Desdiguieres sur le Duc, lequel depuis l'assiegea, batit & attaqua si viuement, qu'en fin il s'en sit maistre. Et comme il sçeut que le sieur de Crequy s'estoit fort auaçé, pour le secours des assiegez, auec 600. Caualiers, & 15. cens harquebusiers leuez en Dauphiné: il les fut charger de telle sorte, qu'apres la desfaicte de 5. à 600. hommes, tout le reste fut dissipé & mis en route, à trauers les neiges de ces motagnes: la hauteur desquelles les empeschás de se sauuer, leur fut occasion de se rédre, & le sieur de Crequy mesme, vie sauue. Auecserment de ne porter les armes de deux ans contre le Duc. Qui autrement les menaçoit tous de les tailler en pieçes.

Cependant, la guerre se demenoit en autres endroits. Car le Roy, qui d'vne mesme iudicieuse chaleur, preuoyoit & pouruoyoit ensemble à toutes choses: considerat, que le Duc ne comparoissoit, qu'il

ne voyoit & n'entendoit aucun acheminement d'armée; ny pour l'engager à combatre, ny pour le retirer du siege & prinse d'aucune place: auoit enuoyé le sieur Desdiguieres auecses troupes, le regimét des Gardes, les Suisses & 4. canons pour s'ouurir le reste desauenuës du païs, selon les desseins qu'il en auoit fait à sa Majesté. Comme celuy qui pour auoir de longue main, & presque tousiours heureusement fait la guerre en ces cartiers, & contre le Duc mesme: reconoissoit mieux les aduenuës & le dedas du païs, qu'autre quifut. Tellement que ny treuuant plus de difficultez qu'aux entrées: il print assez tost Sainct Jean de Morienne: puis les autres forts esleuez en ces quartiers, iusques au Mont Senis & la valée de Morienne. Cefait, passant la montagne entra dedans la Tarantaife, où il prinț de Sauoye.

38

Monstiers, ville principale, le fort de Briançon, le fort Sainet Iacomot & autres. Si bien, qu'ayant netoyé toutes ces vallées, & montagnes de garnisons ennemies: ne restoit à sa Majesté, que le Chasteau de Montmelian, tenu imprenable à tous autresguerriers. Pour l'auoir toussours iugéhors de mine, d'escale, de surprinse, de batterie & sous la forçe duquel, s'estoit iusques la reposé toute la Sauoye. Puis le fort Sain cte Catherine, que le Duc auoit esleué à deux lieuës de Geneue, pour brider les sorties des habitans: & commander au païs s'il ne pouuoit donner loix à la capitale d'iceluy. Pour cest effect, ayant desià enuoyé le sieur de Sancy auec quelques troupes, pour reserrer plus qu'assieger la garnison ennemie: Et donné ordre que les siens fussent assistez de tout le besoin par les Geneuois, puis

K ij

qu'ils estoient fauorisez par ce dessein: fit marcher la plus part de son armée droit au Chasteau de Montmelian, que le sieur de Crequi comandant à la ville, auoit reserré au mieux de són pouuoir. Le Roy arriue sit sommer le sieur de Brandis Gouverneur de la place, pour se rédre & y reçeuoir ses commandements: le menaçant de la furie de quarante canons: dont il en fit aufsi tost amener, plaçer & accommoder trente deux:apres auoir par plusieurs fois, faict soigneusement reconnoistre la plaçe & ses auenues par Monsieur de Rosny, entre autres. Lequel accommoda fon artillerie en plusieurs endroits deçà & delà l'eau, pour y faire diuerses batteries selon la recongnoissance qu'il en auoitfaicte, auec grandes peines & hazards.

Mont-melian Chasteau Le Chasteau de Mont-melian,

couure la teste d'vne haute montagne, desfenduë de diuers & s'y fascheux precipices, que toutes les aduenuës en sont de fort mal-aisez accez. Il est composé de cinq gros bastions, reuestus, bien flanqués & entretenus de nombre de tenailles de melme estoffe. Bien perce, aucunemet fossoyé du costé de la ville seulement. Pourueu de tout le besoin, & à l'aduanțage d'vne grosse garnison qu'on y peut tenir. Bien que le Duc ny entretint lors q 300. foldats mortpayes, sous la charge du sieur Comte de Brandis, l'vn de ses naturels suiets. Il a pour ses comoditez l'eau d'vn bon puirs, creusé en la montagne. Et la ville qui luy est au pied, l'abreuue de l'Isere que ievous ay representé cy dessus. L'aduenuë qu'il preste du costé de la ville, est assez mal-aysée pour si peu deffendue qu'elle soit. Comme retrachée,

flanquée & pourueuë de son pont leuis.La ville & le Chasteau sont deçà l'eau, estendus sur vne petite plaine, que les hautes montagnes reserrent de toutes parts. Au pédant de l'vne desquelles, se voit vn fort roide coustau de vigne. Sur le haut duquel neantmoins, Mösseur de Rosny, sit à force de bras monter sept canons, pour commander au Chasteau & y battre en ruyne. Puis en mesme plaine, & sur le pied de ce coustau, sit dresser par lesieur de Bords son Lieutenant General à l'artillerie, deux autres batteries, tát cotre le bastion de Mauuoisin, que ezautres endroits qu'il iugeoit les plus batables. Et notamment celle qui donnoit au bastion Bouillars. Laquelle, pouuoitaussi battre vne vieille tour ou donjon en forme quarrée & presqueruïnée, pour auoir autresfois esté batue par l'ar-

mée du Roy François premier du nom. Il fit aussi, deux autres batteries dedás la ville & dehors la porte, pour donner où il verroit le besoin. Les deux batteries de delà l'eau, donnoient dans le bas-fort & dans le portail du donjon, en ruyne sur ceux qui sortiroient, lesquels se mettans en gros ou autrement, se voudroient disposer pour venir à l'assaut, & y desfendre la breche. Ce qui estonna plus les assiegez, qu'autre chose. Lesquels ce pendant, bié pourueuz d'artillerie & autres munitions, n'estoient chiches de canőnades. Estans ces preparatifs de batterie bien aduançez: le Roy fit de rechef sommer les assiegez de se rédre, ou que tout seroit exposé à la furie de tant de canons, & mercy des soldats, qui ne demandoiet que le pillage de si renómée plaçe. Mais comme l'on tastoit les murailles, le

Comte demanda trefues pour cinq iours, dans lesquels en fin il capitule pour sortir, luy & ses gens vie & ba gues sauues, enseignes d'esployées, tambours batans, balle en bouche, harquebuzes chargées, meche allumée, & pourueuz de ce qu'ils pourroient porter de munitios de guerre, sans estre fouillez: si le Ducne les fecouroit dedans vn mois.ce qui luy fut accordé. Et outre ce, d'enuoyer vn Capitaine vers son Altesse, pour l'aduertir de tout. Lequel retourné & voulat entrer, fut arresté, sur le bruit qu'il auoit charge de fairerompre la capitulation, & peut estre de poignarder le sieur de Brádis. Sur ce, le Roy desirant aller en son armée, sur la veille de la reddition de la place, enuoya prier le Cote sieur de Brandis, de permettre au sieur de Crequy, d'entrer au Chasteau auectrente soldats seulement.

Qui

de Sauoye.

41

Qui ne l'eust si tost accordé, que le nombre de ceux lesquels y entrerent à la suitte des premiers, luy dona assez occasió & de courage, pour s'en rendre maistre, & y donner le mot dez le soir.

Surquoy, se former et diuers propos entre tant de personnes, quise treuvoiet aussi differents de conditions, que de naturels & suffisances en telle armée. Presque tous neant-moins, admirans si soudaines & tat d'un General aisées prises de telles plaçes: estoiet source & ses en fin contraints de confesser, que grands effesse plusieurs graces sont requises à former vn grand Capitaine. Entre lefquelles, l'Authorité n'estoit des moindres.Laquelle, luy vient de la reputation de ses merites, plus que d'autres choses. Car le bruit de ses vertus, eschauffe, refroidist: anime, estone:pousse, retient: faict en somme, tout ce qu'il veut du cœur, des

L

esprits, de la valeur & suffisance de tous ceux, ausquels il s'adresse: Ce qu'on voit assez, par les exemples du passé & du present. Car, comme le merite de nos actions, se iuge par rapport des vnes aux autres bien fouuent, plus que par droicte congnoissance de la verité d'icelles: plusieurs disoient, quele Roys'estoit assuietty des places du tout imprenables, quand elles n'eussent esté desfendues que par enfans, & à coups de pierre. Si que les Grecs & Latins, bien qu'aussi prompts admirateurs de leurs petits accidens, que mespriseurs de ceux des Forains: l'en eussent appellé mignon de forrune. Ainsi qu'ils firent Alexandre le grand, Cæsar & autres. Et ores qu'assez de gens croyent, que Alexandre ne fust tel, que les histories Grecs & Latins le despeignent:comeles Princes ne furent oncques,

de Sanoye.

& ne seront iamais vers la posterité autres, que ce qu'il plaira au plumes de les faire: six Couronnes telles que la Macedonienne toutesfois, ny l'Empire sur tous les Grecs, ne luy eust sçeu moyenner la redition si prompte, de la haute roche qu'Arimazes Sogdia, gardoit auec trente milhommes: comme estimée de tout temps imprenable, si haut esleuée en l'air, sans auenüe & par ainsi hors de mine, d'escale, baterie, surprise & de famine, l'ayant remply de meilleurs hommes de la Prouince, & muny pour deux ans de tout le necessaire. Non plus que la roche Aorna si bien pourueuë, estimée pucelle de tous temps, qui 2. Cur. 7. se mocqua mesme des desirs & des- d'Alex. seins du Prince Hercule, nommé parles Grecs Dompteur de l'Oriet, qu'vn tréble terre força de la quitter. Comme vouloit faire Alexan-

dre, apresla perte des meilleurs des siens, qu'ilvoyoit miserablemet precipitez du haut en bas, par les assiegez en ceste roche: s'ils ne se fussent plustost descouragez de soustenir, pour s'enfuir la nuict suiuant, crainre d'vn second assaut: qu'Alexandre de leuer le siege. Qu'il cotinua toutesfois, pour monstrer qu'il ne se vouloit retirer de crainte d'eux, ou faute de moyens de les offençer: ains pour chercher nouueaux preparatifs à les assuiectir. Comme il fit la treuuant vide des habitás. Moins encor, si soudaine & tant ay sée conqueste, de la grande Asie. En laquelle, ne treuuant resistance notable, apres la hazardeuse bataille de Granicum, il sembloit aussi aisement que les Mareschaux, marquer les logis, & posades de son armée: si le bruit de ses chaudes & nompareilles vertus, n'eust estonné, la froide

de Sauoye.

43

resolution de tous les Asiatiques. Comme celles de Cæsar, firent en tre les Gaulois, ez sieges de Gergouie, Alezie, & autres places des Gaules inaccessibles à tous autres, mais aifées aux feules & incroyables vertus, du plus grad guerrier des romains. C'est pourquoy, les pl'iudicieux &pratics en la militie, ne treuuoient estrage, comme le vulgaire, (qui admire tout, pour si peu essoigné qu'il soit de l'ordinaire,) la tant soudaine capitulatió de Mont-melian. Imprenable à bien dire, à tout autre, qu'au Prince, les valeurs duquel, cour at par tout l'Vniuers, chatouillentassez, les esprits de toute la Chrestienté.

Estant la plaçeainsi gaignée & pourueue dés le 16. Nouebre 1600. contre l'esperance de tous: nombre des plus guerriers remarquerent, l'importance d'yne judicieuse re-

congnoissance. Soit de place, ou de desmarche, & acheminement d'vnearmée. Soit desarmes, du nombre &de l'estat des ennemis. Autant que des aduenues & qualitez des pais, ou de telle autre chose de guerre. En ce, que bien ou malrecongnuë, elle moyenne presque toufiours, au General vne bonne ou mal'heureuse yssuë de son entreprise. La lecture bien pesée des belles histoires, nous le persuade assez: mais la praticque en asseure ceux, qui sont eschappez de tels hazards, qui s'y presentent. Ce qui les sit tous iuger, qu'elle auoit esté soigneusement recongnue par Monsieur de Rosny. Voyant qu'on pouuoit faire breche au bastio de Mauuoisin, qui n'estoit tout remply, come aussi estoit vuide, la vieille tour quarrée. A l'endroit de laquelle y a vn costau de vignes, par lequel on

pouvoit monter à l'assaut. Recongnurent aussi aucuns, que le Contte, n'estoit tant à blasmer de sa soudaine capitulation. Pour ce que, iui geant qu'il seroit bien tost emporté, il pensa mieux seruir son maistre, luy donnant vn mois de temps à y pouruoir. Ayant melme si peu d'hommes: & de naturels du pais, non accoustumez aux aubades de tant de canos. Car il faut du moins sept à huit cens hommes à la garde de telle place. Ioint qu'il se souuenoit, auoir souvent envoyé aduertir le Duc de sa necessité & fautes d'hommes. A quoy il n'auoit vouluremedier: neluy mandant autre chose, sinon qu'il ne se donnast de peine. Dont le Royse persuada, que le Ducn'estimoit, que sa Majesté luy deust faire guerre de ceste année, veu qu'elle estoit si auancée. Sefantasiant, qu'il iroit à Marseille

24119 155

recueillir la Royne venant d'Italie. Et que la saison de faire la guerre s'escouleroit. Ou, comme d'autres l'excusans sur la cognoissace de son naturel, le font si lent, tant consideré &iudicieux, qu'il se treuue mieux fortuné en dilayant & mesnageant les occasiós comme elles se presentent, que en laissant aller chose qui soit à la fortune. D'autres le maintiennent si respectueux vers l'Espagnol: tant obligé, voire interessé à luy, pour les diuerses esperancès esquelles on le sçait entretenir: qu'il n'a iamais rien voulu hazarder, sans estre bien asseuré des moyens, autat que de la bonne volonté de ceRoy. son beau-frere: en l'attente de laquelle, il a tousiours mis tout l'espoir de ceste guerre. Il y en a, qui le disent tellemet possedé par certains Astrologues & Deuins, qu'il regle & mesure, les euenements de ses desseins

desseins à leurs predictions. Et notamment de celuy, qui l'asseura y a quelque temps, qu'il ny auroit dans le 15. d'Aoust aucun Roy en France. Ce qu'il interpreta (comme fit le Roy Crefus son infortuné passage du fleuue Halis contre Cirus) à son aduantage. Voire l'embrassa de telle curiosité, qu'il ne pensa seulemét estre deliuré de tout ennemy de ce costé: ains aussi qu'il s'en feroit Roy. Veu notammét les droits & pretentions, par lesquelles nous auons dit, qu'il s'estoit iusques icy preualusur les François. Auec lesquelles, aucuns ioignent les auis qu'ils disentauoir reçeu dequelque sourds remuëments, pratiquez en ce Royaume le Roy absent, en faueur du Duc. Lequel ne considerant la maliçe, vanité, mensonge & tousiours douteuse incertitude de ces diuinatios: donna par sa lenteur,

assez d'occasions au Roy de dire Rencontre du contre luy, & ses deuins qui l'auoiét Roy, Surla prediction si fort enchanté: qu'ils auoient bien d'un Deuin du Duc de dit, & luy mal pensé, plus mal creu, Sauoye, qu'il ny auroit Roy & encorplus mal effectué ses deenFrance das less. Aoust, sirs. En ce que dés le 15. d'Aoustil ny 1600. auoit eu aucun Roy en Fraçe. Mais il en estoit volontairement sorty, pour faire bonne chere, & comander au milieu de la Sauoye: & aux despens du Seigneur, qui la deuoit mieux garder. Ainsi le Duc, tirant partelles ou autres diuerses occasions, toutes choses & notamment la misere, tant siene que de ses pauures subiects en longueur:donnoit assez beau jeu au Roy Tres-Chrestien, de faire par tous ces pais, tout

ce qui luy venoit plus a gré.
Or, comme sur l'attente de l'yssuë
de ceste capitulation, le bruit courust, que le Duc passoit le mont S.
Bernard, auec son armée: le Roy a-

uoit enuoyé Môsseur le Comte de Soissons (aux non moins notables vertus, que si souuent tesmoignée fidelité duquel il se reposoit du tout) auec la caualerie vers Beaufort. Tant pour s'asseurer du passage, que pour eslargir l'armée, y faire viure la caualerie plus commodément: & au reste si porter selon les occasions, attendant sa venuë. Et en mesme temps despecha le sieur Desdiguieres à Monstiers, auec nobre de troupes pour arrester l'ennemy, & faire la guerre à l'œil. Peu apres le sieur Desdiguieres aduertit le Roy, que le Duc s'auançoit par le Val d'Oste, passoit le Mont sainct Bernard, & s'estoit logé à Esme. Ce qui occasionna le Roy, de mander soudain à Moseigneur de Soissons, qu'il s'acheminast à Monstiers. Ce qu'il fit, puis le Roy s'en alla de Chãbery à Mont-melian, pour y atten-

M ij

Histoire de la guerre dre la redition de la plaçe.

Le Roy, ayant donné ordre à Mont-melian: partist dés le lendemain matin, sans encrer dás le Chasteau, pour s'en aller reuoir son armée. Laquelle treuuat aussi deliberée qu'il desiroit, n'auoit autre desfein que chercher tous moy es pour voir ses ennemis de prez, par diuerses recognoissances qu'il y enuoya faire en plusieurs endroits. Mais tout estoit tant abreuué & couuert de hautes neiges, qu'il luy fut impossible d'y faire autre chose, que d'en regreter la commodité: & employer ce pédant pour tenir les soldats en haleine, quelques trouppes pour attaquer diuerses plaçes. Entre autres la tour de Villette: Et quelques corps de garde plaçez sur les aduenuës des montagnes prochaines, que le Regiment de Nauarreropit assez tost. Quoy voyant

& asseuré par bons raports, que le Duc, arresté par mesmes incommoditez du temps & des lieux, ne pouuoit autre chose que ruiner, du moins fort incommoder son pais propre, ses subiets & son armée: laifsant le sieur d'Esdiguieres à Monstiers, pour comander auecses troupes au païs de la Tarantaise, & y entreprendre selon les occasions, iusques à ce que le Duc se retirast : s'en alla auec le reste de son armée, pour s'asseurer du fort sain ete Catherine. Il auoit premierement enuoyé le sieur de Sancy, dresser vn regiment de Fantassins, sur le païs, pour reserrer la garnison lu fort. Puis le Sieur de Vitry, auec les regiméts du Cheualier de Montmorécy; des Corsses & autres trouppes. Mais en fin, Moseigneur le Comte de Soissons s'y achemina, auec Mosieur le Ma-

reschal de Biron, coduisans le reste

des troupes.

Fort S. Ca-

Lefort Saincte Catherine, prenant forme pétagone non reguliere, & ensit propre à la fortification, estoit basty sur vn haut tertre, qui descouure sans aucun empeschement toutela campagne. Composé de cinq bastions non reuestus: foussoyé pourtant & accommodé de tout le besoin: à deux lieuës de Genesue:maintenu par six cens ho mes de guerre, dont les deux tiers estoient Suisses. Peu deuant l'arriuée du Roy, vn des Capitaines assiegez en estoit sorty par la permission de sa Maiesté, pour aller vers le sieur de nemours, retiré en famaison d'Anicy, affin que sous le bon plaisir du Roy, il peust passer ceste guerresans desplaire ny preiudicier à son cousinle Duc de Sauoye. Le Roy luy enuoyafoudain vn exempt des gardes, pour le luy amener à Leluysel,

vn quart de lieuë du fort où estoit logée sa Maiesté. Come elle a des graces incroyables, voires extraordinaires, pour gangner le cœur des hommes: luy auoir parlé, puis faict congnoistre auec la resolution de son dessein, la grandeur de ses forçes, & le nul espoir qu'il deuoitauoir en son Maistre: fit en sorte, que peuapres qu'il fut retourné à ses compagnons, ils capitulerent pour fortir, vie, bagues & armes sauues, enseignes desployées, tambours batans, & qu'ils emmeneroient le tiers de l'Artillerie, s'ils n'estoient secourus dans dix iours.Lesquels expirez sans autre secours, leur fut permis d'en sortir suyuant la capitulatió, & en tirer trois pieces. Moseigneur le Comte de Soissons, aduerty apres laredition du fort, que le Duc venant dela Tarantaise, s'auançoit auecle gros de son armée, pour se-

courir les assiegez : r'assembla les troupes, résolu de l'aller trouuer, le releuer de peine de passer outre, & le combattre s'il ozoit hazarder la iournée. Mais il fut plustost aduerty desa retraicte, que de son acheminement. Et n'eust on depuis autres nouuelles de luy, que par le trópette qu'il enuoyoit à quelqu'vn, le prier de persuader le Roy d'entrer en quelque traité de paix. Ce que le Seigneur fidelle & bien aduisé, reuoya soudain à sa Majesté: disant tout haut que ce n'estoit à luy à y aporter autre chose, qu'vne simple & deuë obeiissance à ses commadements.

Pendant ceste guerre & notammét sur ce siege, grand nombre de Seigneurs, Officiers, Gentils-hommes, Capitaines, soldats & autres François, que d'vne que d'autre religion, furent à Genesue. Aucuns pour

pour s'accomoder, autres par curiosité. Mesmes plusieurs Catholiques Romains, furent aux presches. Qui pour y apprendre, qui pour en rapporter matiere d'entretien comun. Le reste pour autres occasions & fins aussi diuerses, qu'estoient differens les humeurs, dont ils estoient composez. Tous lesquels, bien que par fois si forts, qu'ils eussent peu mettre vne ville tant enuiée & si craintiue en alarme, voire sur ses gardes descouuertes, pour tant de guerriers forains, qui furet vn iour nombrez à douze cens cheuaux: s'y portoient toutesfois si paisiblement, que comme s'ils n'eussent eu tous qu'vn zele & pareille deuotió, ils n'en sortoient moins & par fois plus contens, qu'ils ny estoient entrez. Ce que la diuersité de religió n'eust permis en autre temps. Ny mesmes entre nos plus proches de-

uanciers: quisesont si long temps entrebattus, trahis, tuëz, massacrez, & plus qu'horriblement poursuiuis pour se faire perdre les biens, l'honneur, le corps & l'Ame tout ensemble. Sur tout, contre les habitans de ceste ville, qu'ils tenoient pour iurée retraite de leurs plus grands ennemis. Et seulle source de toutes les miseres, que le different de religio leur au oir apporté. Dont les plus auisez, n'atribuoient moins la cause, au merite du Prince qui se sçait faire aymer des vns, craindre des autres, & autoriser sur tous: qu'à la force du temps, qui peu à peu alentist & insensiblement relasche, les trop chauds & violans bouillos, des plus estranges passions humaines. Du François mesment, la naturelle chaleur & deliée humidité duquel, luy causent sa legiereté & promptitude, si grande à se tourner à toutes

occasions, que si elle luy est par fois preiudiciable, faute de iugement à la conduire, elle luy profite en d'autres accidens: bien que par hazard assez souvent & plus que par discretion & preuoyace. Les Alinges puis apres se rédit à coposition. C'estoit vn fort esseué prez Tournon le log du lac, auquel le Duc auoit garnifon.

Comme si chaude, tant heureuse & non accoustumée poursuitte de guerre, ne se pouvoit faire sans diversement affectionner, non ces Princes seulement: ains aussi tous leurs voisins & autres qui pour divers & recelez respects, pouvoient estre interessez à compatir aux euenemens de ceste guerre: les Republicques & Potentats d'Italie, se voyans les plus prochains & premiers esueillez au nouveau son de tant de bombardes, se for-

moient diuers discours sur les euenemens de si douteuses entreprinses. Car, comme des plus notables accidens inopinez, qui produisent plus haut effet qu'on ne s'est imaginé: les euenemens desplaisent & occasionent les personnes d'en rechercher, puis reprendre, & en fin condamner auec la source, les progrets & yssuë d'iceux:n'ayans agreable les heureux sucçez de l'vn, non plus q les infortunez desseins del'autre: ils auoient dés le commençement desiré, que les premiers traits n'en feussent ny veuz, ny ouys, & moins fenty dedans l'Italie. Affin den'estre troublez, au doux repos, auquel depuis centans, ils s'estoiet iusques icy entretenuz. Mais despourueuz d'apparentes occasions, & peut estre de moyens & d'authorité, d'y entamér les propos d'vne paix: eurent tous recours au Pape

de Sauoye.

pour cest effect. Tant pour la charge qu'il auoit autrefoispris de les accorder: que pour la consideration dressent aus de la qualité qu'il a dés long temps moyenner vporté de l'vn des plus grands Prin-ne paix en ces seculiers de l'Italie: & pour l'authorité que sa charge Ecclesia-bitalie ces stiqueluy done entre ceux, au bien chaleursquerdesquels il desiroit trauailler.

LesPrinces Republiques d'Italie s'ad. ne paix entre Forsins, Et/ destourner de trop violentes rieres.

De fait, pour ne dementir le de-Prince & son uoir de sa charge, embrassant une si ner une paix belle occasió, de faire paroistre son chrestiens. bon desir, à faire reconcilier ces Princes tant animez: & voyant que auec l'occasio que sa charge Ecclesiastique & dignité de Prince luy en donnoient: les moyens qu'il en auoit, y seroient augmentez, par la rencontre d'vn mesme desir detant de Potentats: & croistroient encor file Roy d'Espagne y estoit couié: l'enuoya foudain foliciter. Et eut assez tost, tesmoignage d'vn reci-

proque desir en œuure siloüable. D'autant, qu'ores qu'il eust le corps de son estat, assez eslogné d'un pais si troublé: il craignoit toutesfois, que l'orage de la tempeste n'esclatast au preiudice de son Duché de Milan. Aux sieges des places duquel, les Sauoyens sortans de leurs forts par capitulation, assignoient les victorieux, pour y debattre le surplus du bon ou mauuais heur qu'ils attendoient en la cotinuë de ceste guerre. Si que le Pape despecha son Neueu le sieur Pierre Cardinal Aldobrandini, en titre de Cómis legué de l'Eglise Romaine, General & Sur-Intédant de l'Estat Ecclesiastic, Legat du Pape & du siege Romain vers le Roy & le Duc de Sauoye, pour les exhorter à la Paix, & repos general de la Chrestienté. Lequel s'estre adressé premieremet au Duc, qu'il y vit assez enclin; mais

de Sauoye.

occasioné pl' que desireux d'icelle: prit les Srs. Fraçois d'Arconas Cóte de Touzaine, Conseiller d'Estat; & René de Luzinge Sieur des Alimes, Conseiller d'Estat, & premier Maistre d'hostel du Duc:lesquels ce Prince luy dona pour Deputez de son Altesse. Auec eux fut trouuer sa Maiesté à Chambery, où dez le 26. Nouembre elle auoit choisy entre ceux de son Conseil, pour l'entretenir & respondre à ce qu'il proposeroit, Messire Nicolas Brulard Confeiller en son Côseil d'Estat, & Ambassadeur à Rome. Et Messire Pierre Ieanin, Seigneur de Nauieu, Cheualier, Conseiller en son Conseil d'Estat, & President en sa Cour de Parlement en Bourgongne, dignes & renommés Conseillers de sa Majesté. Mais aussi tost qu'apres la reddition du fort Sain & Catherine, le Roysefutacheminé à Lyon, pour

voir la Royne y nouuellement arriuée d'Italie: le fit prier de s'y transporter. Où le traicté de paix treuué agreable par sa Majesté, fut debatu & cotinué pour l'espace d'vn mois, iusques à ce que le Sieur Cardinal le rompit: Aussi rost qu'il sceust que le fort auoit esté la nuit deuant desmoly, par l'importunée diligence des Geneuois, sur la gorge desquels ils disoient, que le Duc sembloitauoir la pointe de son espée eslançée, pour les acheuerau premier loisir. Tellement, que le Roy prenant cela pour nouvelle ouverture de guerre: licentia son armée à toutes voyes d'hostillité. Commãdantaux Chefs, de se tenir sur les armes, pour se deffendre & offençer, selon que les occasions & moyens s'en presenteroiet. Permit mesmes aux Geneuois, d'acheuer la ruine & demolition du fort encommencée. Ce qu'ils firent au éc telle & si animeuse diligençe, qu'à peine on eust sçeu reconoistre au lendemain la forme, ny la premiere trace qu'on luy auoit donné. Surquoy tous tenans la paix desesperée: & se formans nouuelles entreprinses sur entreprinses: chacun mesme iugeant, que le Roy tres-Chrestien ne se re- Propos de paix rompu poseroit sur si beaux aduantages: vn pourquey.par seul ne parloit plus que de fourbir repris & par harnois, dresser cheuaux, chercher deniers, & se preparer de toutes parts à nouuelle guerre. Quand Monsieur de Rosny, comme poussé d'un violent, bien que secret mouuement, à finir ainsi qu'il auoit commençé les preparatifs de ceste guerre: s'en alla voir, sans autre occasion que d'vn volontaire respect, Monsieur le Cardinal, affin de luy dire à Dieu deuat qu'il partist pour Italie. Mais se voyant de nouueau

qui continué.

araisonné par luy, sur la rupture de ceste paix: Puis dextrement remis en la suitte des premiers propos d'i celle: & en finsemons d'asseurer le Roy de son bon desir, à la reprinse du premier traicté: en aduertist sa Majesté. Laquelle prenat le deuoir de Roy, l'exemple de ses deuaciers, & le desir à s'employer en choses plus hautes, plus profitables & affurées, que la petitesse de ces sterilles & trop glissantes montagnes, pour plus apparentes occasions à y confentir: se resolut aussi tost, d'y faire voir vn tesmoignage de vertu exéplaire, à tous siecles present & adnenir.

Car come celuy, qui s'estant dés saieunesse egalementroidy au bien & au mal: ne s'estiusques icy, ny plus ny moins esseué aux faueurs qu'aux aduersitez mondaines: y mesprisa l'aduis de plusieurs, & les

desirs mesme de ceux qui le croyoient vouloir profiter si beaux aduantages, pour faire premierement congnoistre, que la magnanimité d'vn vray Roy, ne depédoit moins d'vne liberale clemence, à preuenir par bien faits l'affection de ses ennemis, qui le recherchent d'amitié, qu'àles ruyner, quadils se froissent heurtans la mal-mesurée valeur de ses forçes. Faisant d'ailleurs estat, que sice deuoir de vray Roy est commun à tous, l'honneur de si rare clemençeluy seroit d'autant plus particulier sur tous autres, que pour se monstrer par genereux effects, le Tres-Chrestien, le premier né & plus ançien Roy de l'Eglise Chretiene, il se faisoit segnaler par si extraordinaire liberalité royale, en faueur du repos general qu'il procu-roit à toute la Chrestienté.

A quoy ne l'essança moins la ver-

tuëuse emulation de ses predecesseurs. En ce que, comme l'exemple du Roy François premier, luy auoit esté l'un des equillons pour le pouf-Exemples ser à ceste conqueste: aussi prenant plaisir d'ensuiure la debonnaireté reux à belles Shautuen- du Roy Henry 2, quand il tira le Pere de ce Duc, de la poussiere d'Efpagne en laquelle il viuoit enseuely, pour le rendre Ducde Sauoye & Prince de Piedmont: Iugea ne pouuoir moins, que d'esgaler le pere en valeur, le fils en liberalité, & les surmonter tous deux, tant en soudaineté de conqueste, qu'en frache & nullement occasionnée libe-

poussent les

cœurs gene-

treprises.

liez. Mais ce Prince, tousiours assisté

ralité. Donnant à son ennemy, à la priere de tant de Princes Chresties, ce dont il l'auoit, auec autant de valeur que de justice, despouillé contre l'espoir de tous ses voisins & alde faueurs celestes. Qui d'ailleurs, approche plus de la téperature & condition requile à ce grand Roy: des accomplies vertus duquel, les anciens ont mieux discouru, que treuué les vrays effects d'icelle:ne cherche tant son particulier que le bien de son estar, pour le releuer & peuà peu auançer sur le PL vs ov-TRE deses voisins: Iugealuy estre plus expedient, de retrancher par vne asseurée paix, les beaux, mais fouuent mal-heureux & tousiours incertains desseins de ses pretentios Italienes. Affin de mesnager, accroistre, & par occasions employer ses moyens, à recueillir les membres separez de son Royaume: & les vnir en fin à l'ancienne estenduë de la Monarchie des François,

Telles, & autres plus particulieres considerations, judicieusement balancées: luy furent occasions, de

Histoire de la guerre renuoyer aussi tost Monsieur de

Rosny, auec charge d'arrester & coclurre la paix sur les causes, auis, & moyens qu'il luy en voulut descouurir, & de laquelle les articles furét

PREMIER ARTICLE DE LA Paix accordée entre sa Maieste Tres-Chrestienne & le Duc de Sauove, le 17. lanuier à Lyon, 1601.

V E ledict Sieur Duc, cedde, transporte & delaisse audict Sieur Roy & à ses successeurs Roys de Frace, tous les pais & seigneuries de Bresse, Baugé & Veroney: Et generalement, tout ce qui luy peut appartenir, iusques à la riuiere du Rosne, icelle comprise. De sorte, quetoute ladite riuiere du Rosne, dés la sortie de Genesue, sera du Royaume de Françe, & appartien-

dra audict Sieur Roy & ses successeurs. Et sont lesdicts païs ceddez ainsi que dessus, auec toutes leurs appartenançes & deppendançes, tant en Souueraineté, Iustice, Seigneurie, vassaux & subjects: & tous droicts, noms, raisons & actions quelconques, qui pourront appartenir audict sieur Duc, esdicts païs ou à cause d'iceux, sans y rien reseruer. Sinon, que pour la commodité du passage, demeurera audict sieur Duc, le pont du Gresin sur la dite riuiere du Rosne, entre l'Escluse & le pont d'Arle. Qui par le present trai-Cté appartiédront audit sieur Roy. Et par delà le Rosne, demeurent encor audict sieur Ducles parroisses, du Lez, Laueran & Chezay, auec tous les hameaux & territoires qui en dependent entre la riuiere de Vacerones, & le long de la montagneappellée le Grand Credo, iuf-

ques au lieu appellé la Riviere. Et passée la dicte riviere de Vaçerones, demeure encoraudict sieur Duc, le lieu de Maingre, Combes, iusques à l'entrée plus proche pour aller & passer au Comté de Bourgongne. A condition toutes fois, que le dict Sieur Duc, ne pourra mettre ny leuer aucunes impositions, sur les dérées & marchandises. Ny aucun peage sur la Riuiere pour le passage du pot de Grezin, & autres lieux cy dessus designez. Et en tout ce qui est reserué pour ledict passage, & tout le log de la riviere du Rosne ledit sieur Duc ne pourra tenit ou bastir aucun fort. Et demeurera le passage libre par ledict pont de Grezin, & en tout ce qui est reserué, tant pour les suiects dudict sieur Roy, que pour tous autres, qui voudrontaller & venir en France. Sans qu'il leur soit donné destourbier,

de Sauoye.

moleste ny empeschement. Passans neantmoins gens de guerre pour le service dudict sieur Duc, ou autres Princes, ne pourront entrer ez pais & terres dudict Sieur Roy, sans sa permission ou de ses Gouverneurs & Lieutenans Generaux. Et ne doneront aucune incommodité aux subjets de sa Majesté.

II.

Et pour effectuer entierement ce que dessus, ledit sieur Duc remettra en la puissance du Sieur Roy, ou de celuy qui sera comis par sa Majesté, la Citadelle de Bourg, en l'estat qu'elle est, sans y rien desmolir, affoiblir ny endommager. Auectoute l'Artillerie, poudres & munitios qui seront dedans ladite plaçe, lors qu'elle sera remise.

III.

Et outre a esté accordé, que le dit sieur Duc, ce de aussi, transporte

& delaisse audict Sieur Roy, de delà la riuiere du Rosne, les lieux, terres & villages Dayre, Chaussy, Pont Darle, Seyssel, Chaua & P. Chastel, auec la souveraineté, Iustice, Seigneurie & tous droicts qu'il peut auoir esdicts lieux cedez, & sur les habitans d'iceux. Sans y comprendre le surplus des mandemens desdits lieux & de leur territoire.

III.

Ledict Duc, cedde & transporte & delaisse audit Sieur Roy, la Barónie, ou Bailliage de Getz, auec toutes ses appartenaçes & deppendançes: Ainsi que ledict Sieur Duc, & ses predecesseurs en ont cy deuant iouy. Et sans y rien rescruer ny retenir, sinon ce qui est de delà le Rosne. Hormis ses villages & sieux Daire, Chaussy, Annully specifiez cy dessus. Le tout à condition, que les dites choses cedées, seront & de-

meurerot vnies & incorporées à la Couronne de Françe; & seront reputez domaine & patrimoine de la Couronne, & n'en pourront estre separées pour occasion que ce soit. Ains tiendront lieu & pareille nature, que les choses eschangées, qui seront declarées cy apres.

V.

Aussi est conuenu, que le dit sieur Duc, rendra & restituëra effectuellement & de bone foy, audit Sieur Roy, ou à celuy ou ceux qui seront à ce commis par sa Majesté, le lieu, valeur & Chastellenie de Chasteau-Dauphin. Auecla tour du Pont, & tout ce qui est occupé par ledict sieur Duc, ou par les siens dependant du Dauphine, en l'estat qu'il est à present : Sans y rien desimolir, affoiblir ny endommager en aucune sorte. Et delaissera toute l'Artillerie, poudres, boulets & autres mu-

nitiós de guerre, qui se trouueront dans les dictes plaçes au temps present. Pourront neantmoins les soldats, gens de guerre & autres qui sortiront desdictes plaçes, faire emporter tous leurs biens meubles à eux appartenans. Sans qu'il leur soit loisible, de rien exiger des habitans desdictes places ou plat païs, ny en oster aucune chose appartenas aus dicts habitans.

VI.

A esté aussi accordé, que le dict Sieur, fera abattre & desmolir entierement, le fort de Beche Dauphin qui a esté costruit pédant les guerres. Et fera payer le dict sieur Duc pour le passage cy dessus reserué, la somme de cent mil escus; de trois francs pieçe monnoye de France. Ou la valeur, en ceste ville de Lyon, a celuy ou ceux qui auront charge de sa Majesté.

VII

Et moyennant lesdictes cession & transports, & toute l'artillerie, poudres & munitions coquises, qui demeurerot entieremet à sa Majesté: Et moyennant aussi tout ce que dessus est dit, ledict Sieur Roy se contente pour le bien de paix, de laisser & trasporter audit sieur Duc, comme par ces presentes sa Majestéluy cedde, transporte & delaisse à ses heritiers & successeurs, tous les droits, noms, raisons & actions, & generalemet tout ce qui peut estre pretedu parles Roys & Dauphins deFraçe, à cause du Marquisat de Saluçes, ses appartenançes & deppendançes, ensemble sur les plaçes de Cental, de Mot & Roques Paruiere, sans en rien retenir ny reseruer. Eta ledict Sieur Roy, quitté & remis audict sieur Duc, toute l'artillerie & munitions qui sont trouuez

en lesdites plaçes du Marquisat de Saluçes & Sau. en 1588.

VIII.

Promet aussi ledict Sieur Roy, faire rendre & restituer audict sieur Duc, essectuellement & de bonne soy, ou à celuy ou ceux qui auront charge de luy, tous les païs, plaçes & lieux qui se trouueront auoir esté saisses & occupées depuis l'an 1588. sur ledict Duc. Et qui sont à present possedez par sa Majesté ou par ses seruiteurs. Le tout en l'estat que les desse sieux sont à present. Sans y rié desmolir, afsoiblir, ny endommager en aucune sorte.

IX

Restituant les dictes plaçes, pourra le dict Sieur Roy transporter toute l'artillerie, poudres, boulets, armes & autres munitions de guerre qui se trouueront es dictes plaçes au temps de la restitution. Pourrot aussi lesdicts soldats, gens de guerre & autres qui sortiront desdictes plaçes, faire emporter leurs biens meubles à eux appartenans. Sans qu'il leur soit loisible de rien exiger desdits habitans desdites plaçes ou plat païs, y emporter aucune chose appartenant aus dits habitans.

X

Et se fera ladicte restitution de part & d'autre, ainsi qu'il s'ensuit. C'est à sçauoir, aussi tost que les ratifications du present traité auront esté fournies, ledict sieur Duc fera remettre en la puissance dudit sieur Roy, ou de celuy ou ceux qui aurot charge de sa Majesté, la Citadelle de Bourg, auec l'Artillerie, poudres, boulets & toutes lesdites munitions de guerre qui seront dedans lesdites places. Et ladite restitution faicte, ledit Sieur Roy fera aussi restituer les Villes, Chasteaux

de Chambery & Montinelian audit sieur Duc. Lequel incontinent apres, fera rendre le Chasteau Dauphin, & tout ce qui en depend; come dessus est dit. Et fera desmolir le fort de Beche-Dauphin.Lesquelles choses estant effectuellemet accomplies par ledit sieur Duc, la Valée & Vicariat de Baccolonnite, & de toutes les autres plaçes & lieux promis par ledit present Traité, luy seront entierement renduës dans vn mois apres. Et luy sera donné seureté raisonnable à son contente. ment.

XI.

Tous les papiers & enseignements qui peuvent servir pour iustisser les droicts des choses eschangées, seront rendus & deliurez de bonne soy, tant d'vn costé que d'autre.

XII.

Ledict Sieur Roy, ne sera tenu à l'entretenement des dons, recompenses & assignations, cy deuat donées par ledict sieur Duc ou ses predecesseurs, sur les terres & Seigneuries par luy cedées à sa Majesté. Ny d'acquiter les ypotecques qu'il a creé sur icelle. Et pour le regard des ventes & allienations, faites à tiltre onereux par la forme ordinaire, & auec la verification requise, auant ceste derniere guerre, sa Majesté y sera obligée, tout ainsi que ledict sieur Ducauroit esté, & non plus auant. Le semblable sera obserué, pour les dons, recompençes & allienations faites, sur les choses cedées par sa Majesté.

XIII.

En consequençe dequoy, & de ce qui a esté accordé par le traicté de Veruins, y aura paix du iour & datte de ce present traicté, ferme

Q

amitié & voisinance entre ledict Sieur Roy, & ledit sieur Duc: leurs enfans nez & à naistre, leurs heritiers & successeurs au Royaume, pais & subiects. Sans qu'ils puissent faire entreprise au domage de l'vn l'autre: leurs pais & subiects pour quelque cause ou pretexte que ce soit. Et sera le comerçe libre entre les subiects & pais de l'vn & l'autre Prince: en payat les droits & impositions, qui doiuent estre payez par les propres subiets du païs.

XIIII.

Les subiets de l'vne & l'autre part, tant ecclesiastiques & seculiers: nonobstant qu'ils ayent seruy en party contraire: rentreront paisiblement en la jouissance de tous & chacuns leurs biens, offices & benefices. Suiuant ce qui est contenu par le 7. article dudit trai cté de Veruins. Sans que cela puisse estre entendu, des gouvernemens.

XV.

Tous prisonniers de guerre & autres, qui à l'occasion des guerres sont detenus de part & d'autre, seront mis en liberté. En payant leur despençe, & ce qu'ils pourroient d'ailleurs iustement deuoir. Sans estretenuz de payer aucune rançon, sinon qu'ils en ayent conuenu. Et s'il y a plainte de l'excez d'icelle, en sera ordonné par le Prinçe, au païs duquel les prisonniers sont detenuz.

XVI.

Tous autres prisonniers, subiets dudict sieur Roy, & dudict Sieur Duc; mesme du Marquisat de Saluçes, & autres lieux cedez, qui par la calamité des guerres, pourroient estre detenuz ez galleres desdicts Princes, seront promptement deliurez & mis en liberté. Sans qu'on

Qij

leur puisse demander aucune chose pour leurs rançons, ny pour leur despençe.

XVII.

Toutes procedures, iugemens, & arrests donez depuis l'année 1588. auec les subiects du Marquisat de Saluçes, & autres lieux cedez par ledict Sieur Roy, & depuis ces dernieres guerres par les luges & Conseillers ordonnez en Sauoye, Bresse & autres lieux conquis par sa Maiesté, tiendront & sortirot leur plain & entier effet. Sauf aux parties, de se pouruoir contre lesdicts iugemens parles voyes de droit, en cas qu'elles ayent comparu ou contesté volontairement. Mais si lesdicts iugements, auoient esté donnez sans coparution ou contention volontaire de la partie: ils seront & demeureront nuls & de nul effet, & comme non aduenuz. Et quand aux instances indecises & non iugées: la congnoissance en demeurera aux Officiers desdictes Prouinces, ausquels elle doit appartenir,

XVIII.

Les habitans, & subiets des lieux & païs eschangez par le present traité, ne pourront estre molestez ny recerchez en aucune maniere, pour auoirseruy en party contraire, ou pour cause que ce soit, à l'occasion des guerres passées. Ains retourneront plainemet, en la possession & iouissance de tous & chacuns leurs biens, droicts, priuileges & immunitez,& de tous leurs biens meubles qui se trouueront en nature. Et leur sera loisible, de demeurer ou se retirer ailleurs ou bon leur femblera. Pourront neantmoins iceux iouyr de leurs biens: ou iceux vendre, ou eschanger ou disposer, come ils verront bo estre, pour leur

Qiij

Histoire de la guerre commodité.

XIX.

Et pour le regard des habitas du Marquisat de Saluçes, & autres lieux cedez par ledict sieur Roy, qui n'aurontiouy de leurs biens depuis le traicté de paix fait à Veruins: leur seront renduz, les fruits de leurs immeubles & arrerages des rentes depuis la publication dudict traité de Veruins, iusques au commençement de la derniere guerre. Et quand aux Officiers de Saluces & autres, qui ont seruy en Piedmont les Rois de France: ils iouyront des priuileges, immunitez & exemptions qui leur ont esté accordez, par autres traictez cy deuant faicts, par les Roys Charles 9. & Hery 3. auec le feu Duc de Sauoye, & depuis confermez par ledict sieur Duc qui est à present.

XX.

Promet aussi ledict sieur Duc. que tous les Officiers & autres de Saluçes & lieux cedez par ledict Sieur Roy, ne seront molestez, recherchez ny inquietez, directemér ou indirectement, en aucune maniere, à l'occasió des guerres & differents passez entre la Majesté & ledict sieur Duc. Ains seront maintenuz, en leur liberté & franchises pour iouyr de leurs biens paisiblement, en tout repos & liberté. Et pour les charges & impositions du païs, ne serot surchargez. Mais plustost soulagez & fauorablemet traitez, pour la recommandation de sa Majesté. Et de ce baillera ledit sieur Duc; ses lettres patentes en bonne & vallable forme.

XXI.

Les Collateurs ordinaires subiets de sa Majesté, qui ont benefices à leur collation dans le païs dudict

sieur Duc, pourront conferer lesdicts benefices quand le cas escherra. Et ceux qui seront bien & canoniquement pourueuz, iouiront du reuenu de leurs benefices. Sans qu'il leur soit doné moleste ny empeschement. Le semblable sera aussi obserué, en la iouyssance des benefices qui sont en France, encor que le tiltre du Collateur sust situé dans le pais dudit sieur Duc.

XXIL

Et sont reservez audit sieur Roy, tous les droicts par luy pretenduz contre ledict sieur Duc. Suyuant ce qui est contenu, par les traictez faits à Chasteau Cambresis en 1559. & Turin 1574.

XXIII.

Et pour ce que Monsieur le Duc de Nemours & de Geneuois, qui soulloit auoir & posseder toutes les terres, tailles & droits, deppendans

 $d\epsilon$

de Sauoye.

Rois de Fra-

Ducs de Sa-

noye fur ledit

de son apannage, dans la souuerai-Pour cognoi-Streles droits neté dudict sieur Duc: les aura dode la maison resnauant à cause du present traite, de Nemours Sur la Sauoye, fous l'vn & sous l'autre Prince. Sa voyez ce que ie dis au com-Majesté & ledict Duc, ont promis mencemet du respectivement, de le traiter fauora-Discours parlant des preblement, & come leur bon parent. tensions des Et ne contreuenir ny desrogeraux ce & des droits & auctoritez, qui sont de son appannage: l'en laissant iouyr paisi- pays: blement, conformement au traicté desondict appannage. Et en outre ont consenty & accordé, si quelque different aduenoit cy apres pour raison dudictappannage, de le faire terminer sommairemet à l'amiable & sans procez.

XXIIII.

Etsurl'instance & priere faicte, par ledit sieur Legat au nom du Pape:aesté conuenu, que toutes les forces treuuées & assemblées pour ceste derniere guerre: seront sepaHistoire de la guerre

rées & licentiées tant en France qu'en Italie, dans vn mois apres la publication du present Traicté. Afsin, qu'vn chacun puisse iouyr de la paix generale: & du repos stipulé & promis par le traité de Veruins. Lequel est cossirmé en tous ses points. Sinon en ce, qui y seroit changé, ou expressement desrogé par le present traicté.

XXV.

Et pour plus grande seureté de ce present traité, & de tous les points & articles contenuz: sera le-dict Traicté verissié, publié & enregistré en la Court de Parlemement de Paris, & en tous autres Parlemés de France, & Chambre des Comtes de Paris. Comme au semblable, il sera verissé au Senat de Chambery, & Senat de Turin, & autres lieux accoustumez. Et y seront bail-lées les expeditions de part & d'au-

de Sauoye. 66 tre, trois mois apres la publicatió du present Traité.

XXVI.

Lesquels points & articles cy dessus compris, & tout le contenu en chacun d'iceux: ont esté traitez, accordez, passez & stipulez entre lesdicts Deputez és noms que dessus. Lesquels en vertu de leur pouuoir, ont promis & promettent, soubs l'obligation de tous & chacuns les biens presens & aduenir de leursdits maistres, qu'ils seront par iceux inuiolablement obseruez & accoplis. Et outre, promettent fournir. les vns aux autres, lettres de ratification autentiques, signées & sellées. Esquelles tout ce present traité sera inseré, & ce dedas vn mois du iour & datte de ces presentes. Et outre, iureront solemnellemet sadite Majesté & ledict sieur Duc, en presence de tels qu'il leur plaira deputer: Histoire de la guerre

d'obseruer & accomplir plainemet & de bonne foy, le contenu esdicts articles. En tesmoin desquelles choses, ledit sieur Legat & lesdicts Deputez, ont signé & souscript de leurs noms, le present traité à Lyon le 17. Ianuier 1601. Signé P. Cardinalis Aldobrádini, Legatus. Brullard de Sillery. P. Ieanin. Françesco Arconato, & De Luzinge Sieur des Alimes.

Ellement qu'apres les conditions accordées & signées à Lyó, le 17. Ianuier 1601, par sa Majeste; & le sieur Cardinal, attendant le retour des Deputez du Duc, auquel ils les porterét signer le Roy celebra en toutes sortes demagnisicéces, le mariage d'entre sa Majesté, & la Serenissime Marie de Mediçis, niepçe de Dom Ferdinand de Mediçis, Grand Duc de Toscane. Puis de Sauoye.

67

le Roy, supplié tant par les suiets du Duc, que par plusieurs des siens, de publier la paix ainsi arrestée : deffendretous actes d'ostilité & ouurir le comerçe par tous les pais de leur obeissance: fit vne declaration sur le traité de paix, le 20. Ianuier. Qu'il voulut estre publiée le 14. Mars 1601. portat. Que le Pape par l'entremise du sieur Cardinal Aldobrádini son nepueu & Legat, auoit coposé tous les differens motifs de la guerre cómençée l'an dernier entre sa Majeste & le Duc de Sauoye. Et qu'elle vouloit à l'aduenir, viure en bonne paix & amitié auec luy, suiuant le Traicté de paix faict en la ville de Veruin, le 2. May 1598, entre sadicte Majesté, & le Roy d'Espagne. Deffend tous actes d'ostilité, dans les pais & contreles subjects d'iceluy, pour quelque cause & pretexte que ce soit. Enioint à tous ses subiets &

Histoire de la guerre

autres, de garder ladicte paix, sans y contreuenir directement ou indirectement, en quelque sorte que ce soit: à peine d'estre punis comme infracteurs de Paix & desobeissas à ses commandemens. Permettant en outre, tant à ses suiects qu'à ceux dudict Duc, de commerçer en toute franchise & seureté, comme auparauant la guerre. Ce faict, le Roy s'asseurat que le Duc luy renuoyeroit dans le temps prefix, les articles signez, s'en alla à Paris, y menant la Royne. Où neantmoins il ne reçeut que sur la fin de Mars, la resolution du Duc, qui l'auoit iusques à ce iour entretenu de diuerses excufes.

FIN.

Extraict du Privilege.

PAr grace & Privilege du Roy, il est permis à Claude de Montr'œil, Marchant Libraire en l'Vniuersité de Paris, d'imprimer ou faire imprimer, & exposer en vete vn liure intitulé, L'Hissoire de la guerre de Sauoye, faicte par Langelot du Voisin, Escuyer sieur de la Popelliniere. Et sont faicles deffences à tous Libraires & Imprimeurs, d'imprimer, ou faire imprimer, vendre ny distribuer ledict liure d'autre impression que de celle dudict de Monstr'œil, & ceiusques au temps & terme de six ans finis & accomplis, sur peine de confiscation desdits liures par eux imprimez & védus, & de quatre cents escus d'amende. Voulant en outre que mettant au commencemét ou à la fin de chacun desdicts liures, l'Extraict dudict Priuilege, il foit renu pour signissié & venu à la congnoissance de tous, comme plus amplement est declaré audict Priuilege. Donné à Paris, le 12. iour de May 1601.

Signé,

DE LAVETZ.

And the second s

100





